


RAJBANSHIS HEARTBOOK  
**ALL NATIONS GOSPEL PUBLISHERS**



[www.angp-hb.co.za](http://www.angp-hb.co.za)



[info@angp.co.za](mailto:info@angp.co.za)



लोकैर मान

THE HEART OF MAN

RAJBANSHIS

पाप करवार साभाऊ व्यवस्थार निन्दा करेचे किजाँएकी-पाप व्यावस्थार निन्दा ह्ये ।

पापलाक हरण करवार ताने वाहाँये (यीशू खीष्ट) प्रगट हले कहयेहुना ताम्हाला जान्वा सक । आर वाहाँरसंडे कुन्ह भी पाप नि छे ।

वाहाँर सडे रहवारला जाहाँये काहाँऊ पाप निकरबे । पाप कर वारला वाहाँक देख्वा निपारबे आर वाहाँक चिन्वाहा निपारबे । हे मोर छट बाबुला, काहाँव भी ताम्हालाक बहकिवा नापारोक । जाहाँये असल काम करबे वाहाँ यी धर्मी हबे, जैनडतिन वाहाँये भी धर्मीय छिले ।

जाहाँये पाप करबे वाहाँये सैतानेर बितितसे ह्ये । किजायेकी सैतानडत आगुवैस पाप करते आसिचे । सैतानेर कामला खत्म करवार ताने परमेश्वरेर पुत्रड प्रगट हईचे ।

जाहाँये परमेश्वरेर बितितसे जनमलिचे, वाहाँये पाप निकरबे किजाँएकी वाहाँर भाव-सभावला वाहाँरपर रहचे वैसे वाहाँये कभिभी पाप करवाये निपावें किजाँएकी वाहाँये परमेश्वरसे जनमलिचे ।

परमेश्वरेर सान्तान आर सैतानेर सान्तानला यैनडतिन करे देखाजाबे की असल काम निकरवारला आर आप्नार दादा-भाईलाक मायाँ निकरवारला साभाऊ परमेश्वरर ब्रितितसे निह्ये ।

(१ यूहन्ना ३:४- १०)



# मानव हृदये (मन)

पटमेवटेट मुण्डिल आट शैतानेट कामला

(१ यूहन्ना ३: ४-१०)

यिखान कुन्ह नायाँ किताब निहये । दुइसय बछर आगुते पहिला फेक फ्रान्स देशत निकलाले आर हाजारेर-हाजारभनाक यिखान किताबखानसे बहुत आशिक पाले । आप्नार हृदयेर आवस्था परमेश्वरतये देख्बार सन्तिकरें आत्मिक येनकत देख्बार काम लोकलाक यिखान कितापखानसे पाले । यिला पान्नात बहुतलाभन आप्नार पापेर हृदयेर चित्रला देख्ये पाशताप करये नायाँ हृदये आर नायाँ आत्मा आप्नात पाले ।

जैखुना ताम्हाला यिखान नायाँ किताब पढबन, वैखुना आप्नाक देख्बार सन्ति एकखान एनक मान्ये पढान् । चाहे ताम्हा दसा धरमेरलोक क्याये नि हवन चाहे ताम्हा ख्रिष्टियन, चाहे अ-विश्वासी क्याये निहन । चाहे ताम्हा विश्वास छरा हलौपरे भी, मातुन ताम्हा आप्नाक परमेश्वरतै देख्बार सन्ति आप्नार फोटोखान देख्वा सकवन् । परमेश्वरत काहाँकनी अन्याये करबे वाहाँये त लोकेर मनला देख्वा चाहाचे ।

शैतानड गोटे ठगेर बाप हये । आन्धारेर राजकुमार आर यिखान संसारेर देव हये ताहाँ परेभी, आपनाक सरगदूतेर रुप लिचे । बहुतला लोक छेच्कारे याहाँके सरगरे सरगदूत कह्येने मान्यलिचे आर शैतानडक छेच्कार रुपत रहाल मनडक पसिन निपराचे । पुरना जुगेरसन्ति आभी-काल्ही भी छेच्कार खीष्टेर भेष धरये भ्रुठा प्रेरितला आर खीष्टक धका दिबार चेन्हाला बहुतलाये छे । यिला कुन्ह छकलागा बात निहये क्यायेकी शैतानड आपनाक सर गर सरगदूत भष धरय लिचे । ( २ का ११: १३, १४) परमेश्वरर, प्रम, माहमा आर वाहाँर श्रेष्ठताक आर आपनार उधारकर्ता प्रभु यीशू खीष्टतक यिखान पृथिमिर लोकला देख्वा आर देख्बार भी मन नाजाओक कह्येने शैतान, यिखान संसार देअला अम्हालार मन आर चखुला आन्धा बेनाय दिचे । (२ कोरन्थी ४:४) गोटे पापी आर अविश्वासीला परमेश्वररेती आन्धा आर मराल हय छे



। अम्हालारपर यिखान संसारेर देअला आत्मासे शासन चलाचे । (एफिसी २:२) आपनार पत्तनेर हालत देखवार ताने चखुला निखल्वारतक अम्हाला अनन्त बिनासेर दमाल्डरति दौरिते रहवे । “मोर सडे पाप निछे” कहवारला आपनाके धका दिचे ।

जैखुना ताम्हाला यिखान किताव पढवन आर हेत्ता रहाल नाक्साल आच्छासे देखवन, जदी तेने ताम्हाला आपनार हृदयेड देखा सकवन । ताम्हाला, परमेश्वरेर खजी करवार प्रकाशक आपनार हृदयेर अवस्थाकं देख्वादन । आपनार पापला मानयेलेव आर मोर सडे पाप निछे कहयेने इन्कार नाकर किजाँएकी धर्म शास्त्रे र (परमेश्वरेर वचन ) हिनड लेखाल छे, “ हामारसडे पाप निछे कहयेने हामा कहची जदि हामाला आपनाके धका दिची आर हामार सडे सत्यता निरहवे । हामाला आपनार पापला मान्येलिले जदि, हामार पापेर क्षेमा करवार आर हामालार गोटे अधर्मसे शुध करवार वाहाँये, विश्वासी आर धर्मी जन हये” (१ यूहन्ना १:१-१०)परमेश्वरेर पुत्र यीशू खीष्टेर सुरकितसे हामार गोटे पापलासे शुध करयेदिवे ।

ताम्हालारपर कि ते शैतानड राज करेचकन, कि ते परमेश्वरत । अताम्हाला कि ते पापेर नकर हयेछन, कि ते परमेश्वरेर सेवक । जदि ताम्हालारपर पापला राजकरये छकन ते, यिड बात इनकार नाकरन । बुरु परमेश्वरतक डाकाव, जाहाँये तामाहालाक खीष्ट यीशूद्वारा छुटकारा दिवार ताने साज्येछकन, जाहाँये हामालार सडे रहाल पापला आर शैतानेर पाबरसे छुटाये पापीलाक बच्चारताने यिखान संसारत आस्ले । वाही हामार उट्टार हये । तामाहा पवित्र परमेश्वरेर आगुति छन । जाहाँये तामाहालार जीवनरे गोटे नुकाल बातला आर नुकाल बिचारला देख्वा आर बुभक्वा पारतोक्न । ताम्हाला आपनाके आर आपनार कामला परमेश्वरतरसे नुक्वा निपारवन किजाँएकी “जाहाये ताम्हालाक कान दिले वाहाँये कि नि सुन्बे ? जाहाँये चखुला बेनाले कि वाहाँये आपनी नि देख्बे ?”

“जाहाँर मनड वार्हाँरबिती छे, अम्हालाक मदत आर शान्ति दिव्वा गोटे पृथीमित परमप्रभुर नजर रहचे ।” (२ इतिहास १६:९) ।

“वाहाँर नजरट लोकलार चालेरति रहचे आर अम्हाला बेराल हरेक

कदमला वाहाँये देखेचे । कुन्ह हिनडतिन आन्धार ठाव नि छे, जैठा दुष्टला वाहाँरसे नुकाये रहवा पारबे (अथ्युब ३४:२१, २२)”

“मातुन यीशू अपनी साभाक चिन्वार कारणसे वाहाँये अम्हालाक अमहालार विश्वासत छरये निदिले (यूहन्ना २:२४) ।”

वैसे “वाहाँये धन्ये हये जाहाँर पापला क्षेमा हवाल छे आर जाहाँर पापला भ्नापाल छे । वाहाँये धन्ये हये, जाहाँर पापेर लेखा परमेश्वरत नि राख्ने आर जाहाँर आत्माडत छल-कपट नि छे ।” (भजन संग्रह ३२:१, २: भजन संग्रह ५१ भी पढन) यीशुड आभीये आल्हाये भी ताम्हालाक डाकाते छकन “हें गोटे परिश्रम कराला आर पापेर ब्रह्माला लिये बेरवारला । मोर ठिना आस मुई ताम्हालाक शान्ति दिमुन्न” (मति ११:२८) ।

# चित्रलाट घर्णि

## पहिला चित्र

यिड चित्रड संसारीक, नायाँ जीवन रहित नर-नारिर मनड देखाचे, जैनडतिन पापीलार बाखान बाइबलत् कराल गोईचे ; आर्यात उड लोक जाहॉरपर यिखान संसारेर आत्माड शरिलेर अभिलाषा आर कामलात आच्छासे बठ्ये छे । परमेश्वरत देख्वार छेच्कार हृदयेर चित्र यैडये हये । लुलाये जावार सन्ति लाल लाल चखुला माताललोक कह्येने देखाचे, जैनडतिन हितोपदेश २३:२९-३३ लिखाल छे, काहॉरपर दुःख छे ? काहॉरपर शोक छे ? काहॉये भाग्रात फाँसेचे ? काहॉये कुलतत् छे ? काहॉक बिना कारणसे दोष देचे ? काहॉर चखुला लाल लाल देखाजाचे ? अम्हालारे, जाहॉये आबेलातक दारु खाचे, जाहॉये मास्ला मिस्लाल दारु खोजत छे । जैखुना दारुखान लाल लाल देखेचे आर जैखुना दारु रडखान बाटिडत आच्छा देखाजाचे । जैखुना दारुखान हिदर-हुदर टिल्किले ताम्हा हत्ता नादेख किजाँएकी आखिरत उखान साँपटर सन्ति ठका दितोक्न । ताम्हालार चखुला निचिन्हाल चिजला देखेचकुन तने मनडसे निआच्छा बातला निक्लेचकुन ।


यिड चित्रत मुठार तलति लोकर हृदयेड देखाइचे जैठा, हजारेर -हाजार दसा-दसा जानाबरला बास करिये छे , जैला लोकेर हृदयेत रहाल हरेक किसिमेर पापला कह्येहुना देखाचे किजाँकी हृदयडये हामालार पापेर खता आर रहवार घर हये । परमेश्वर हामालाक यर्मिया भविष्यवक्तासे हिनडतिन शन्देस देचे, “लोकेर मनड सभे चिजसे बेसी धका देचे तने हत्ता बहुत किसिमेर रोगे घेराल छे, उडक काहॉये जान्वा सकेचे ? ” (यर्मिया १७:९) ” यीश आपने यिड चानकक हिनडकरे बर्णन करते कहचे कि, “भितरसे आर्यात लोकेर हृदयडसे खाराब बिचार, वेविचार, चुरि, हत्या, रणडीबाजी, लोभ, दुष्टपन, ठग, लुच्चापन, कदृष्टि, निन्दा घमण्ड, मुरुखपन, यिला गोटे खाराब कामला भिन्नेसे निक्लेचे आर लोकलाक आशुध बेनायेदेचे ” (मर्कूस ७:२१-२३) ।



१. मजुर - मजुर पंखीडर सुन्दरतात साभाउ प्रशांसा करेचे । मातुन हेत्ता याहाँये मनडत घमण्ड, आहाँकारेर सन्ति पाप कहयेहुना देखाचे । लुसिफर, परमेश्वरेर बेनाल दूत, इश्वरेर ज्योति धारण करवार, एक समयेत परमेश्वरेर दूत छिले, जाहाँये घमण्डेर कारणसे पतित ह्ये सरगसे गिरयेगेल आर यैनडकरे परमेश्वरेर शत्रु शैतान ह्येगेल" (यसैया १४:६-१७) (इजकिएल २८:१२-१७) ।

घमण्ड नरक कुण्डसे पैदाह्ये आप्नाके दसा-दसा किसिमसे देखा देचे । कुन्ह लोकला आप्नार धन-सम्पत्ति, कुन्ह लोकला आप्नार पढाइत, ते कुन्हला आप्नार फेसनेर काप्राला पिन्थे घमण्ड करेचे, जाहाँये आप्नाक निलाज्जाडर सन्ति आप्नार देहाड लाड्गा देखाचे, काहाँऊ, आपनार बल्वार गाहानाला, चुरि, आडठीलात घमण्ड करचे जैनडतिन यशैया ३:१७-२४ त् आच्छासे लेखाल छे । काहाँऊ आप्नार बाप-दादो, राष्ट्रियता, सस्कृति, खेल-तामासात् घमण्ड करेचे आर यिड काथा बिसरिये जाचे कि "परमेश्वरत् धमण्डिलाक विरोध करेचे मातुन नम्रलाक अनुग्रह (दया) करेचे ।" (१ पत्रुस ५:५) "बिनासेर आगु अहंकार आर पतनेर आगु अभिमान आसेचे ।" (हितोपदेश १६:१८)

२. बत्तु : कामाग्नीसे मातिये रहाला गँन्वार जानाबर बत्तु कामाग्नीपन, शारीरिक कामबास्ना, अनैतिकता, व्यविचार परस्त्रीग मनेर चिन्ह ह्ये । हिनतीन भावनासे हवाल पापला यिड आधुनिक जुगेर आखिरि दिनलात येतेक बहुत छिरयाये गोडचेकी " आखिरे र दिनत सदोम आर गमोरार दिनलार सन्ति हबे" कहयने खिष्टित करिब २००० बछर आगुते भविष्यवाणी कराल बातला सते सावित हवा आसिचे । यिड आधुनिक आत्माड खालि पुरुष आर महिलालाक मात्रे पक्रिचे नि, धर्मीलोकलार घर, संस्था, औ स्कूल आर छात्राबासलात भी हुक्ये गोडचे । यिडअ बिनाशेर विहनड निर्लज्जपुर्वक आर शैतानेर बेसी फाटाइत आर चालाकित, सेलिमा नाच दसा-दसा निआच्छा खिस्सा, उपन्यास साहित्य आर यैनडतिन करे लाख उपायसे लोकलार मनडत् छिरयाये दिचे । जैला बातला परमेश्वरेर दृष्टित पाप मानालजाचे, वैलाये बातलात लोकला आधुनिक



चित्र १ पापी लोकर मन

नैतिकताये सम्भ्रवा लागिचे । लाखेर लाख छँरा-छँरिला आपनार जीवनेर मान सेलिमा आर उपन्यासेर आधारत जाहाँये बेनाचे अम्हालार जीवनड समस्यात, लाजत आर पश्चातापत पुगाये दिबे । अनैतिक आर खतमत आपनार जीवनड बित्वार लोकला, खेलाडी आर हिरो हिरोनीला यिड निच नायाँ जावान लोकलार ले आदर्श बीर वीराङ्गना हचे । परमेश्वरेर पवित्र जन यूसुफ (उत्पति ३९) सन्तिलाक आम काहाँव भी नि आदर्श रुपत गेनाबे । जुलु

जातिलार सन्ति अधर्मी आर असभ्य सामाजत भी बेबिचारीलाक मृत्युर दण्ड दिवार चलन छे । यिड असभ्य जतिला भी आभ्नीकार हामार सभ्य सामाज कहवारलाक कुछु-कुछुला बात सिकाचे आर इन्साफेर दिनत हामालाक येम्हाला दोष भी लागवा सकेचे । परमेश्वरत हामालाक कहचे बेबिचारेर सडे नाखेल मातुन बेबिचारसे अलग रहव । “बेबिचारसे अलग रहव । आरह जेतला पाप जे लोकला करेचे उला शरिरसे बाहार हचे मातुन जाहाँये बेबिचार कर चे आपनार शरिलेर पाप करेचे । ताम्हार शरिलड ताम्हालार पवित्र- आत्मार मुण्डील हकुन, जैड ताम्हाला परमेश्वरसे पाइचन कहयेने ताम्हाला कि नि जानेचन ? औ ताम्हाला आपने आपनार निहन । ” (१ कोरन्थी ६:१८,१९) “जाहाँये परमेश्वरेर मुण्डीलड खतम कर्वे, परमेश्वरत वाहाँक भी खतम कर ये दिबे; किजाँएकी परमेश्वरेर मुण्डीलड पवित्र छे, जैड ताम्हालाये हन । ” (१ कोरन्थी ३: १७)

३. **सुँगुर** : सुँगुरत् मधपान आर खाऊ, पनसे हवार पापला देखाचे । साफा आर फोहोर कुन्ह भी चिजत ध्यान निदिये सभे चिजला खाबार सुँगुर त एकटा फोहरी जानाबर हये । यैनडतिन करे एकटा पापसे भराल मनड भी हरेक खाराब सुभापला, फोहरी विचारला औ बोली, खाराब चित्रला, साहित्यला जल्दी बुझयेलिबे । जेअँत परमेश्वरेर मुन्डिल हवाल यिड देहाडक आशुद्ध भोजन, पान आर खाराप आदतला जैनडतिन बीडि, सिकरेट, धुम्रपान करवा, पान खेरसान खाबा अफीमेर सन्ति हानिकारक चिजला खायेहुना अपवित्र बेनायेदिचे । आल्हा लोकलाक धुम्रपान आर आफिमेर आदतला येतान कस्सिये पक्किचेकि पहिले केद्यौनी हिनड छिले । हिनडतिन धुम्रपानेर शिकार आर शैतानेर नकरलाक परमेश्वरेर शक्तिसे खालि स्वतन्त्र करवा पारबे । बहुत धार्मीक सोच विचार बाला लोकला चर्चत धुम्रपान करवार आँट निपावें । यिड विचार करबे की हिनड करवार परमेश्वरेर पवित्रतार भड करवार हये, ताहाँपरे भी अम्हाला यिड गँवार ठुटाडले आशुद्ध करवार संकोच निमानेचे, जैडअ परमेश्वरेर खास सत्य मुन्डिल हये । पावल प्रेरित कहचे, “कि ताम्हालाक मालुम निछकन कि तोर देहाड पवित्र आत्मार मुन्डिल हकुन कहयेने ।”



“औ काहाव भी याहाँक आशुद्ध करवे जदि, वाहाँक परमेश्वरत नष्ट कर येदिवे?” (१ कोरिन्थी ३:१६, १७, ६:१८, १९)।

बेसि खाऊ लोकला भी परमेश्वररेले घृणित छे । हामाला बच्चारताने खराक खाची, खाबार ताने नि बच्येछि । भोकखान आच्छासे भोजन करले सन्तुष्ट हवे मातुन शरिलेर अभिलाषाला “दे , दे” कहये चेचाचे ।

शरिलेर अभिलाषाला आर मनेर तृष्णाला कद्यौनि पुरा हवे, कद्यौनि संतुष्ट हवे । पुरना नियमेर चलन अन्सार खाऊलाक आर मतवालालाक पथलले ठक्ये मारोक (व्यावस्था २१:१८-२१) कहचे । “मद्य भोगी आर खाऊलोकला दरिद्र हचे, तने निदखाने चिरा नुगाला पिन्हावे । भागुरार संगत धरये आपनार , बापतक लाजत गिरायेदिचे ।” (हितोपदेश २३:२१, २८:७) उडअ धनी लोकटक विचार कर त; जाहाँये बहुत खाऊ आर आपनार शरिलेर अभिलाषालार नकर छिले आर पाछुत मरयेगेले ; औ जैखुना वाहाँये नरक से चखुला उठाये देखले ते वाहाँये बहुत दुःखत छिले । आप रक्सीसे हबार खाराब चिजेर विषयत कहवार आवशोक निलागे हवापाये । यिड बात येताहान आच्छासे जानाल छे की याहाँक फुच्चा-फुच्ची रुपत लिबा निहये । परमेश्वरत आपनार वचनत आच्छासे कहयेचे कि, काहुँ मतवाला स्वर्गीय राजेर हकवाला हवा निपारवे । जाहाँये मद्य वेनाचे आर बेच्चार काम करेचे, अम्हालाव भी परमेश्वररेर बलत वैतडतिन दोषी हवे किजायेकी परमेश्वर कहचे, “वाहाँरपर साराप द । जाहाँये मद्य खाबार वीर आर मधेर तेज बाढ़वार बाहादुर छे ।” (यसैया ५:२२) “वाहाँरपर साराप द । जाहाँये आपनार पईचलाक मद्य खिलाचे आर उहाँत बिख मिस्लाये हुना अम्हाक माताये अम्हार लाडतियापन देखेचे ।” (हबकुक २:१५) अम्हालार भोजत बीणा, सारडी, मृदड, बाँस्ली आर मद्य पाचे मातुन अम्हाला परमेश्वररेर कामला निदेखेचे आर वाँहार हातदे कशल कामला ध्यान निदेचे (यसैया ५:१२)। “अधमीला परमेश्वररेर राजेर हकदार निहवापारवे कहयेहुना कि ताम्हालाक मालुम निछकन ? नाठक्नाखाव: बेबिचारिला , मुर्तिपुजाकराला, जारीकरवार ला, लुच्चाला, पुरुषगांमीला, चोरला लोभीला, मतुवालला, लुटाहाला, गालीकर वारला परमेश्वररेर राजेर हकदार हवा निपारवे (१ कोरिन्थी ६:९, १०)।”

हामार सांसारिक पापला आच्छायेसे देखाजाचे । कुछुला सांसारिक पापला यिला ह्ये: बेबिचार, अपवित्रता, लुच्चा, मुर्तिपुजा, मन्तर-तन्तर, दुश्मना, ईष्या, क्रोध, विरोध, फुट, कुमारग, डाहा, मतवाला, भोजेर मोज माज्जा आर यैनतिन आरह-आरह । जाहाँये अम्हाला यीला बातेर दोषी छे, कुन्ह कुन्ह किसिमसेभी परमेश्वरेर राजेर हकबाला हबा निपारबे (गलाती ५:१९-२१) ।" दाखमद्य से नामात, जाहाँत कामागनी छे, मातुन आत्मासे भराल हव । " (गलाती ५:१८)

पियाँसलागाललाक यीशूड किनडकरे सुपारि दिचे, "काँहु प्यासे छन जदी मोरठिना आस आर जीवनेर पानी वैनडे खाव" (यूहन्ना ७:७, ३८) । हे गोटे प्यासलागवारलाक पानीर ठिना आस, टाका निहवारला भी आस, आसिये दाख मद्य आर दुध बिना टाकार आर दाम निदिये किन्ये खाव (यसैया ५५:१) । "जाहाँये उखान पानी खाबे, जाहाँक मुई दिमु वाहाँक कद्यौनी प्याँस लाक्तेक मातुन जैखान पानी मुई जाहाँक दिमु उखान पानी उहात, अनन्त जीवनतक बहते रहवार पानीर लदि ह्ये रहबे (यूहन्ना ४:१४) ।"

४. काछुडु : काछुड आल्सीया, आलटाल, लसड-भसड आर तान्त्रिक विद्या, टनहा-टुन्ही करले हवार पापेर संकेत करेचे । आविश्वास तान्त्रिक विद्या पापेर सन्ति ह्ये । आल्सीयाला आपनार लालसात मरेचे किजाँकी उहाँर हातला काम करवा निमान्वे । हुनडतिन लोक छे जाहाँये दिनभर लालस खालि करत्ते रहबे (हितोपदेश २१: २५, २६) । "यहोशुड इश्राएलेर सान्तानलाक कहबा परिसेल्की, "यिखान देश आपनार हातत लिबारताने आल्सी नाकर ।" लोकलार सभाब त परमेश्वरेर चिजला हातकरवारताने आल्सीयाआर ढीला छे । यीशूड कहले, "कसरमसर दुवारखानसे दुकवा छाब" (लूका १३:२४) । "छाब ते पाबन ।" 'स्वर्गोर राजत बलजफतसे निहोतौवन आर बलजफत करवारला जबरजस्ती छिरयेलिचे (मति ११:१२)

जदि हामाला उद्धार आर आत्मिक बरदानेर विषयत आल्सी करले हामाला नाश त फुम् । आल्सीहाने प्रार्थना करवार, परमेश्वरेर नुकाल बातला छाब्बारताने आर सबसे आशीकेर प्रतिजाला लिबार हम्भालाक रक्येदिचे आर सर्वाशेर दमालेर ति प्राति करावे । तोर मनड आभीये परमेश्वरेरक



समर्पण करवा, परमेश्वर तोर सडे बल्ये तोक मान्वार हुना, शैतानड तोर मनडत, यिखान काम काल्ही की जैदिना फूसंद हवे वैदिना करिम कहये विचार मनडत देदितोक, जैदिन अफसोच । फेर केंधौनि आस्तोक आर तूई उद्धार आर खीष्टविनाये मरवा परतोक । परमेश्वरत कहचोक, “जदि ताम्हाला आभी वाँहार बोली सुनेचनते, ताम्हालार मनड वाहाँरसे नाधुराव (हिब्रू ३:८)।” कोये-कोये लोकला उद्दारेरताने आरह आच्छा-आच्छा समय छाब्ये रहते रहते उड दिन निआस्यै नास हयेगेईचे ।

टन्हा करवारला आर जादु देखवारला काछुर बाहारबितिकार खल्टाखान खासकरे जन्तरेर विध्यार कामत चलाचे । हेत्ता याहाँर मतलब जेअँत परमेश्वरत विश्वास राखवार साठ्ठा जादु, टन्हा हात देखवार सन्ती मन्तरत विश्वास राख्ले आर विश्वास करले पापेर चिन्ह देखाजाचे । परमेश्वर र वचनला हामालाक सिकाचे, विशेषकरे संकट, परीक्षा, रोग, दुख, विलापेर समयेत, भाग्य आर दुर्भाग्यत भर पवार से बुरु जेअँत परमेश्वरतक डाक्वा लागे, जाहाँये हामाक हातिहुति दिबार समेहुना साज्ये छे । किजायेकी “सज्जनेर भरिला परमेश्वरतये थाम्ये राख्येदिबे (भजनसंग्रह ३७:२३)।” किजाँकी बड पद नेते पुरुब बितिसे, ने पछिमबितिसे, ने देखिन ब्रितियैसे आस्वे, मातुन परमेश्वरतये न्यायधीस हये (भजनसंग्रह ७५:६,७)।” परमेश्वरत इस्राएलिलाक हिनड कहते आज्ञा दिले कि, ताम्हालार “ मईधे काहुँ हिनडतिन नाहोक जाहाँये आपनार बेटा कि बेटेलाक अधिनखानत होम दिए कि, भविष्य करते, शुभा-शुभ दिन देख्ये, मन्तर-तन्तर करवार , डाइन कि इन्द्रजाल करवार, गँसाई कि मासान जागवार कुन्ह लोक नापाओक । किजाँएकी जाहाँये जाहाँये हिनडतिन काम करेचे, उला गोटेला परमेश्वरतक धिन लागेचेक (व्यवस्था १८:१०,१२)।” “बाहारबिति त कुकुरला, जादुकराला, बेबिचारिला, टाँटवाला, ठगला असल मान्वारला रहचे (प्रकाश २२:१५)।” आत्मालार ति, भाग्य वाताये दिबारलार ति वा भाग्य छान्वारलार ति अम्हालार सडे सडे पाप करते, अम्हालारसे आशुद्ध हवारताने अम्हालारति नाजावन । “ मुई परमप्रभु ताम्हालार परमेश्वर हकुन्न (लेबी १९:३१)।” “जैखुना अम्हाला ताम्हालाक चेचाये-चेचाये कहते आर बक्वार जादुकराला आर गँसाईलासरडे पुछारी कर कहयेहुना कहले कि लोकला आपनार परमेश्वररेरठिना जाये पुछारी निकरेच ? कि जेअँत



परमेश्वरतक मुर्दालार सडे पुछारी करवार ठिक छे ? आच्छा ज्ञान आर ठिक ठाइखानत जाव । जदि अम्हला यैड बातलार अनसार निबोल्बन ते छेक्कार अम्हलार ताने बेहान कोद्यौनी हबे (यसैया ८:१९, २०)

यिखान छट किताब पढते जाते परमेश्वरत तोरसडे बोल्ये रहचोक आर कहचोक कि तुई आपनार पापलासे पाश्चाताप करये आपनार जीवनड उहाँरपर सँप्ये दे । मातुन तोर मनड बास कराल काछुर आत्माड तोर पर सभे किसिमेर सुभापला आन्येहुना तूई परमेश्वरेर ति लुवाल मनड भागायहुना, तोर मनडत डर भरायेदितोक । “मुई आच्छा खीष्टियान हयेखुना, मोर सडला, आप्नाति लोकला मोक कि कहबे ?” “जदि मुइ नाच, रङ्गी, भोज सांसारिक मनोरञ्जनेर सन्ति चिजलात फेर फेर भाग निलिले कि हबे ? ” खीष्ट यीशूत देखाल अपार धन, वाहाँर अचम्भित शान्ति माहान आनन्द, महिमा, अमर आर अनन्त जीवन आर सुख देखवारसे बरु तूई उला गोटेला बात देखवा धरबो, जैला बात खीष्टक मनडत आस्वा दिबारताने फेक्वा परतोक मातुन खीष्ट यीशू केद्यौनी नीधेम्वार अधिनत मरनेर डरत नकर हये रहाललाक छुटाये दिबारताने आस्ले (हिब्रु २:१४, १५) ।” काछुडर सन्ति तोर भिक्त्र रहाल आल्सी विचारला तोर मनड काछुर सन्ति वाहाँरबितिकार खल्टाहानेर सन्ति कटकट निहवारतक कटकट हते जाबे ।

**५. टुक्का बाघ :** डरलागा आर दया-मायाँ निहवाल जानावर एक्टा टुक्का बाघ हये । विशेषकरे लोकेर मनलात घृणा, क्रोध आर हिंसात्मक सभावला जाम्मा हये रहचे आर घुरये-घुरये याहाँये हिंसार विचार आनेचे । ताम्हाला आपनार पिड हिंसात्मक सभावलाक उड्अ समयतक बशत राखवा छाब या प्रबन्ध करवा सकेचन जदि उड्अ फुट्येहुना छेलबेलहये बाहार निआस्तोक्न । ताम्हार मनडत क्रोध छकन कहयेहुना बिचार करये, याहाँरसे छुटकारा पाबारताने यीशूर सडे बिनित करले आच्छा हात्तोक्न, “ आप चिन्ता नाकर आर आपनारे पर नारिसाव (उत्पत्ति ४५:५) ।” “ रिस्याबा छर आर क्रोधक त्याग् यिला चिज खाराबेर बिति बहकाये दितोक्न (भजन संग्रह ३७:८)।” रिसखानेर दया निछेक आर क्रोधखान बगले-बगले बहवार पानीहानेर सन्ति, मातुन अग्नीरसन्ति रिसखानेर आगुति काहाँये ठारहये रहबा पावें ? (हितोपदेश २७:४) । “ आपनार मनडत रिस नाराख किजाँयेकी रिस त मुखेर

मनडत मात्रे रहचे, वैसे आपनार मनडसे रिसखान लराये द" ताम्हालार सभे रीस क्रोधलाक त्याग्ये द (कलस्सी ३:८) ।

बहुतला लोक रक्सी खायेहुना या काहॉरसे बदला लियेहुना आपनार रिसखान सन् कर्वा छाबेचे, मातुन " अम्हालार रक्सीखान डेडसॉपेर बिष आर गहमा सॉपेर बिष हये (व्यवस्था ३२:३३) । " पापसे भराल मनडक बदला लिबार खोब मन जातेक मातुन हामार बदला त परमेश्वरतये लिचे । यीशुड कहले, " ताम्हाला आपनार अरसिया- परसियालाक आपनारे सन्ति मार्या कर । " हामारपर नि आच्छासे देखवारलाक जदि हामाला क्षेमा करम् ते हामार भी पापला क्षेमा दिबा परमेश्वरत प्रतिज्ञा करिचे । छुल्या आर मनमने गनगन करवार आत्माड भी परमेश्वरेर नजरत वैनडतितन घृणित छे । भग्या आर हात्या करवार खाराब बिचारेर स्थान भी मनडये हये । वैसे लोकला लाम्मा समयसे रहबार ताने, साच्चा शान्ति भी मनडत आस्वार आबशेक छे ।

**६. सॉप :** अदनेर बागानत हाबाक सॉपट छल करये परमेश्वरेर सडे सबसे आच्छा संगती आर मेलमिलापक नष्ट भ्रष्ट करयेदिले । पतित हवाल स्वर्गरदुत शैतान ' आदम आर हाबाक लुसिफरेर ठिना परमेश्वरेर पूर्ण संगति रहाल आर संसारेर अधिपति हावाल देख्ये रिस्याए लाल हये छिले । यैखान रिस लाल हये शैतानड अम्हालाक खतम करवार बिचार करले आर छेच्कार अम्हालार अचम्भीत मेलमिलाप परमेश्वरेर सडेकार संगति आर जीवनडक लर्बरवाये दिले । यैड शैतानिक रिस आर घमण्डये मानव जातिर बहुतला लोकेर मनरे सुखखानक खतम करिदिचे, जब कि अम्हाला दसाभनाक सुख आर आरामसे बठ्ये रहाल देखेचे । " घमण्डखान कोहोबोरेर सन्ति निर्दयी हचे (श्रेष्ठगीत ८:६) । " यिखान लोकेर मनडत दसा भनार सुख आर शान्तिक हिल्लाये दिबे, दुष्ट बिचारला जागायेहुना, दसा भनाक मारवार भावनाड उस्काये दिबे । बेहाकराल लाक विशेषकरे हिनडतितन करेचे । जीवनेर दसा ब्रिति भी घमण्डखान निबिसरिबार दुःख आर घृणा जागाये दिबे । हेतान्तक कि खीष्टियन कार्यकर्ता प्रचारक आर धार्मीक सेवकलाक भी याहॉरबाणसे भागवा निपाइचे । अम्हाला हरेक दिन हुसियार हये रहबालाकी आर हामालार मनडत पवित्र आत्मासे बहाल परमेश्वरेर शुद्ध प्रेमसे भर्वा लागे, नि ते



अम्हालार, परमेश्वरेर बितिकार सभे कामला आर विचारला शैतानेर आत्मासे नष्ट करये दिबे आर परमेश्वरत अम्हालारसे आरह बेसी वाहॉर सेवकलाक आपनार कामत लाव्वा लाकी ।

**७. बेडा :** याहॉये माटी खाचे आर हेत्ता लालच आर टाका पैसा त लोभ करवारसे हवाल पापेर चिन्ह दिचे, जैखान गोटे किसिमेर खारावेर जॅर हये (१तिमोथी ६:१०) । कङ्गो देशत हिनडकिसिमेर बेडालाभी छे, जैला बेडा पेट त फुट्ये निमरवारतक लाखेर लाख तिन्नीला खातै रहचे । कुन्ह लोभी लोकट भी गरिब आर अधमॅर उप्रत दया देखाये हातिहुति दिबार इच्छा निराख्ये हर किसिमसे इमान, बेमान जे हलौ परे भी यिखान संसारेर धन जर करवार बिति लागेचे, जैलाक पकाला आर घुने खाये खतम करिये दिचे । खीष्ट.जे आप्नी कहले, “ आपनार ताने पृथीमीत धन-सम्पति जर नाँकर, जैठिना पकाये आर घुने खाये खतम करिये दिचे आर जैठा चोरला चुरी करिये लेजाचेने, मातुन आपनार ताने सरगत धन-सम्पती जर कर, वैठा ने ते पकाये, ने घुने खाबा पारबे, ने ते चोरलाये चुरि करवा पारबे, कारण जैठा ताम्हालार धन-सम्पति छकन जैठा ताम्हालार मनडव भी छकन । ” आकान आर वाहॉर गोटे परि बालड सना, रुपा दामी पठ्ल आर काप्राला त बहुत प्रेम राखवार कारण से नाश हले (यहोशु ७) खीष्ट यीशूर चेल्हा यहुदा इस्करयोत त् आप्नी फाँसी लाग्ये मरले किजॉएकी टाका पैसार प्रेम से वाहॉक आपनार प्रभु आर मालिकतक पकाए दिबार आर धका दिबार बनाये दिल्ली । याहॉर दुस्या ने ते टांका पैसालार, ने ते सनार हये मातुन येम्हालार वितिकार प्रेमलासे हये जैला लोकेर मनडत नुकाये रहचे ।

गोटे वर्ग, जाति आर वर्णर हाजार नरनारिलार जीवन्त आर अम्हालार घरानार जीवन्त, जुवा खेल्येहोक, धरा दाराये होक, या कुकुर दौरेरसनती बाजी जित्ये होक बहुतला धन जमकरये वैखुनाये धनी हवा पारु कहवार अम्हालात । इडअ उत्कट, प्रवल खाराब मनड बास करये रहचेक । बहुत परिश्रम निकरये धनी हवार मनसुवाड लोकलाक नरहत्या, डाको करवार सडे-सडे आत्महत्या भी करवा लागाचे । टाका-पैसार लोभ, प्रेम आर शक्तिर प्रेम या दसा भनार पर शासन करवार राजनैतिक शक्ति हलौ परे भी गरिबलाक



दाब्बार किसिमेर शक्ति हलौ परे भी, या धार्मीक अधिकार हलौ परे भी, जहाँये परमेश्वरेरसे भी बेसी आपनार मण्डलीर संगठनेर नामेर ताने बहुत खुशीसे काम करेचे आर आपनार मण्डलीर सदस्य निहलौ परे भी, कुन्ह खीष्टेर पाछु लागवार कुन्ह भी चेन्हालाक घृणा देखाले (मर्कूस ९:३८) । यीशूड कहले “हुसियार कर रहव, आपनाक सभे किसिमेर लालचसे बचाव, किजाँएकी लोकलार सडे रहाल प्रशस्त चिजलाये लोकलार जीवन निरहचे” (लूका १२:१५) । एकभन धनी मुख्य लोकेर खीस्सा हिनड छे । “कुन्ह एकभन धनी लोकेर खेतला बहुत उब्बजनी दितेरहकी, औ वाहाँये हिनड कहये मनमने बिचार करवा लागले, मोर सडे धान राखवार ठाव नी छे ;आप मुई कि करिम ?

तने वाहाँये कहले, ‘मुई यैनड करिम, मुई अपनार बाखारिला भाडये आरह बाखाँ-बाखाँ बेनाम, औ मोर गोटे अन्नला आर सम्पतिला वैठाये राखिम, औ मुई आपनार मनडक कहम, ऐ मन बहुत बछरतक पुगवार बहुतला सम्पती तोर ताने जरहयेछोक । आरामसे बोठ, खा, पीएक, आर आनन्द कर ।’ मातुन परमेश्वरत वाहाँक कहले, ‘ ऐ मुख्य आइये रातकरे तोर ठिनासे तोर प्राणड घुराये लिच्छुन आर जैला चिज तुई तायार करिचिस उला काहाँर हवे ते ? मातुन परमेश्वरेर बितिकार धनी निहयेखुना खालि आपनारेताने धन जर करवारलाक यैनड हत्तेक लूका (१२:१६-२१) । “किजाँएकी लोकला गोटे संसारखान हात लिलौ परे भी आपनार प्राणड हाराये दिले कि नाफा हत्तेक ?” (मर्कूस ८:३६) । “ वैसे मुई ताम्हालाक कहच्छुन आपनार प्राणडर ताने कि खाम आर आपनार शरिल्डर ताने कि पिन्हम कहयेहुना फिक्री नाकर । किजाँएकी जैठा धन छे वैठा ताम्हालार मनड भी छकन् ” (लूका १२:२२,३४) । मातुन “ पहिले वाहाँर राजखान छाब आर ऊला गोटेला ताम्हालाक वाहाँये देदित्तोकन ।”

**८. शैतान :** जाहाँये गोटे छलेर बाप हये आर दस्रा-दस्रा किसिमेर पाप करवा लागाये पाप करवा लागचे आप लोकेर मनड त शासन करवा लागचे । यीशूड कहले, “ताम्हाला त आपनार पिता, शैतानेर बितिकार हन, औ आपनार पित्तार अभिलाषाला करवार इच्छा करेचन । वाहाँये त पहिलेसे दुष्ट छिले आर सत्यतात थाम्वानिपाले किजाँएकी वाहाँत सत्यता निछिले । जैखुना

वाहाँये ढाँटचे ते वाँहाये आपनार वितसे बलचे, किज्राँऐकी वाहाँये भुट आर भुटेर बाप ह्ये ।” (युहन्ना ८:४४) । भुट्टा बारखा होक या बाच्चा, भुट-भुटे ह्ये, लोकेर जीवनडत केतेक भुट हचे-हचे, जैला बलेचि, लेखेचि आर करेचि । कपटी एकटा हिनड भुट्टा लोक ह्ये, जाहाँये आपनार भुट्टा कामला करयेहुना भी निकरवार सन्ति बाहाना करेचे । परमेश्वरत भुट्टा बल्वेनि करबे या करबे नि करबे ने ते खीष्टियान लाये करबे (तीतस १:२) । “उहाँर सडे हामार संगति छे कहचि जदि आर हामा आन्धारत बेराचि हामा ढाँटेचि आर हामा सते-सते निचलेची (१ यूहन्ना १:६) ” बाहारबिति त कुकुरला, जादुकरवारला बेबिचारिला, ढाँटवाला, छलला आच्छा मान्वारला रहचे (प्रकाश २२:१५) ।

**१. तारो :** तारोड गोटे लोकेर मनडत विवेकेर चिन्ह देखाचे । हत्ताकार यिखान कालअ, अपवित्र आर दुष्ट छे, हबापाये हरहमेशा मनपरी पाप कर ये मरये खतम ह्येगेइचे । आप यिड आन्धा आर डरुक ह्ये छे वैसे याँहाँये आपनी कराल कामला भी ठिक छे ने निछे कहयेहुना भीन्ना- भीन्नी करवा निपारेचे । यिड दुष्ट विवेकखान कोय-कोयहुना शान्ति आर कोये-कोयेहुना दुःखीत हचे । याहाँये माफ दिवार ठावखानत दण्ड आर दण्ड दिवार ठावखानत क्षेमा करेचे । हरहमेशा यिड विवेक गरम लुहाहानेर सन्ति छब्बार सन्ति हबा सकेचे । आपनार विश्वास से लरयेजाये आपनार गोटे विवेक चेतना आर भावना हराये दिचे आर याहाँक फुस्लिदार आत्मा आर शैतानेर सिद्धान्तलाक ध्यान दिए कपटसे भुट बलेचे ।

**१०. चखु :** परमेश्वरेर चखुडले मनडत दुक्वार गोटे बातलाक देखेचे । वाहाँर अधिनेर सन्ति चखुलासे कुन्हु भी बातला नुक्वा निपाबे किज्राँऐकी वाहाँये मनेर गोटे नुकाल विचार आर मनेर भावनाला जानेचे आर देखेचे । (यिड चित्रडत् चखुड लोकेर सकलडर सडे मिलेचे ) ।

**११. अधिनेर छट-छट जिमाला :** मनडर चारहति रहाल अधिनेर यिला छट-छट जिमाला पापसे भराल मनडक परमेश्वरेर प्रेमसे घेरये राखाल देखाचे । परमेश्वरत पापलाक घृणा करलौ परे भी पापीलाक मायाँकरेचे आर वाहाँये नाश नाहोक मातुन पाश्चातापि ह्येखुना बचोक कहये



वाहाँये मनसुवा करेचे । ख्रीष्ट यीशू पापीलाक बच्चा आस्ले । स्वर्गत खालि एकभना पापी पाश्चाताप करये मनड घुराले बड आनन्देर हलचल हवे । यिला छट-छट जिभाला ख्रीष्ट यीशूर सुरकिर भी संकेत करेचे, “ जाहाँये संसारेर पाप उठाये लेजाब्वार परमेश्वरेर पाँठा हये ।”

**१२. सरगदूत** :सरगदूत परमेश्वरेर वचनला दिचे । परमेश्वरत छल कपट आर पापसे लादाल नर-नारिर हृदयेदत बल्वा छाबेचे । लोकला पाश्चाताप करयेहुना वाँहार ज्योति आर प्रेम आपनार मनडत हुक्वा दव कहयहुना वाहाँर बडअ मनसुवा छेक ।


**१३. घुगु** : पवित्र आत्मा आर सत्ते आत्मार चिन्ह हये । जाहाँये पापेर दोष देखाये, दोषी बेनाये धर्मी आर न्यायक लरायेदिचे । हेत्ता पवित्र आत्मा लोकेर बाहारब्रिति रहाल छे । पाप खान रहब्वार ठिना याहाँये रहवा निपारेचे ।

जदि यिड चित्रत देख्वार अनशारेर वर्णन, ताम्हालार हृदयेर विचारलार सडे मिलेचकुन जदि ताम्हाला प्रभुडक डाकाव । आपनार हृदयखान वाहाँरताने खल्ये, वाहाँर बचनेर ज्योति ताम्हालार हृदयेदत जल्वा दव । “ प्रभू यीशू ख्रीष्टेरपर विश्वास कर त, ताम्हाला बच्चा पार्वन । परमेश्वरत साज्ये छे, वाहाँये ताम्हालार हृदयेद परिवर्तन करवार प्रतिज्ञा करिचे आर ताम्हालाक वाहाँये नायाँ आत्मासे भराल नायाँ हृदये दित्तोकन्न । यिला बात दसा चित्रडत देख्वा पार्वन ।

## दुआ चित्र (फोटो)

यिडअ चित्रड परमेश्वरतक छाब्वा लागिचे आर तने पाश्चातापी मनेर ति देखाचे । हेत्ता स्वर्गेर दुत्तत एकखान तेरवाल पक्रिये छे, जैखान परमेश्वरेर वचन हये । “किज्राँएकी परमेश्वरेर वचन जेअँत आर पावरबाला आर कुन्ह दन्हेविति चखाल तेरवालहानेरसे भी चख चनचन छे, वैसे प्राण आर आत्माडर गीरह-गीरह आर हडिडर भित्तरकार मासिलाक बाखा-बाखा हवारतक यिपारसे-उपारतक कानाकरवार आर मनेर विचार आर भाब्नाडक जाँच्चा भी पार्वे (हिब्रु ४:१२)।” परमेश्वरेर वचनड वाहाँक यिड फम कराये दिचे कि “ पापेर दाम मरण हये ।” आर “लोकटक एकफेक मर्दाये लागे, ताहाँरवात निसाफेर ताने थार हबा लागे (हिब्रु ९:२७) ।” पापीर आर विश्वास निकरवारलार भाग अधिन आर गन्धकसे भराल धुनिड हवे ।





## २. दुष्यार आर पश्चातापी मन

सरगदूतेर दसा हातखानत एकटा मरया लोकेर मुखार खल्टाखान लिये छे ।  
 यिखान खल्टाखान एकफेक गोटे पापीलाक मरवाये लाकी कहयेहुना देखाचे ।  
 हामार यिड देहा, जाहाँक हामाला मर्याँ करेचि, नुआ पिन्हेचि खिलाचि,  
 आच्छासे साजाँची, गोटे किसिमेर बातलात ध्यान देचि जाहाँर देहार आर मनेर  
 इच्छाड पुरा हेचे, ताहाँरपरे भी एकदिन यिड देहा माटिर तलत मिसाये जाचे,  
 ताहाँरपरेभी हामार यिड आत्माड जेअँत रहचे आर एक दिन उडअ आत्माडक पर  
 मेश्वरेर बगलत निआयेर ताने थार हवाये लाकी ।

हेत्ता हामाला देखेची की पापीड परमेश्वरेर वचनत ध्यान दिवा धरये


परमेश्वरें प्रेमेर ति मनड डलायेचे । पवित्र आत्माड वाहॉर अन्धार आर पापी मनडत टिल्कीबा धरिचे । परमेश्वरें जन्हाकखान वाहॉर मनेर मुन्डिलडत दुक्ये गोटे आन्धार खान खतम करये दिचे । जैखुना परमेश्वरें जन्हाकखान भिन्नत आस्ले आन्धारखान हाराये जाचे । हत्ताकार जानाबरेर सन्ति पापला निक्लिये भागवा धरेचे । वैसे, दादा-भाई बहिनला, यीशू जाहॉये संसारेर जन्हाक हये वाहॉक आपनार मनडत दुक्वा दआर चित्रडत देख्वार सन्ति आन्धार आर आन्धारेंर कामला ताम्हालार मनडसे छरयेदित्तोक्न । यीशूड कहले, “ मुई संसारेर जन्हाक हऊ, मोर पाछु धरवारला आन्धारहानत बेरवा निलाकी, मातुन वाहॉये जीबनेर जन्हाक पाबे (यूहन्ना ८:१२) ।” ताम्हाला आपनारे बल आर बुध्दीसे आपनार मनेर आन्धारखान कोधोएनी निकलीबा पार्वन । सपसे आच्छा, जल्दी, सभ्रक्या यैडये हये की यीशू, जाहॉये संसारेर जन्हाक हये, वाहॉक भिन्नत दुक्वा द, तने आन्धार जैखान पाप हये उखान निक्लिये भागये जातोक्न । चान आर तारोला हामालाक आन्धार रातत् कुछु समयतक् जनहाक दिबा पारबे मातुन जैखुना सुरुजत् उठले तने आन्धार आर बाच्चा-ब्रारखा जन्हाक दिबार चिजला हाराये जाचे । यीशू धर्मर सुरुज हये । जैखुना वाहॉये येरुषलेमेर मुण्डिलडत दुक्ले तने वाहॉये गोटेला गोह, भंरा, पेरुवा बेचालाक बाहारवित्ति निकलाये दिले आर पैशा बद्लिबारलार टेबुलला उल्टायेहुना कहले, “ मोर घर त प्रार्थानार घर कहालजाबे, मातुन, ताम्हालार मोर घरतक डाँकोर घर बेनाईचन (मति २१:१३)।” ताम्हालार हृदयेड परमेश्वरेंर घर आर परमेश्वरेंर मुन्डिल हबारताने बेनाल गेइच्चुन । परमेश्वरत हत्ता रहवा चाहाच्चून्, याहॉक आच्छा आर जन्हाक, प्रेम आर खुसीसे भर्वा चाहाच्चून् । यीशू खालि हमार पापला क्षेमा करवा निआस्ले मातुन वाहॉये हामालाक वचावा आर पापसे छुटाये दिबार ताने भी आस्ले । वैसे बेटाड ताम्हालाक आजाद कराये दिले, ताम्हाला छेच्कार आजाद हयेजाबन (यूहन्ना ८:३६)।”

## तेश्रा चित्र

यिडअ चित्रड एकटा छेच्कार पाश्चातापी लोकेर मनड देखाचे । आल्हा याहॉये आपनार बहुतला पापेर डरलाग्गा धनला देखेचे, जैलार कारणासे यीशूड क्रुसत मरले । जैनड उडअ पापी क्रुसखानक देखे, वाहॉक सर गेरदुतत् परमेश्वरेंर वचनला देखादिबे, यिखान क्रुस, वाहॉर पाश्चातापी मनडक फुटायेदिए, मनेर शोक आर बेदनासे आपनार बहुतला पापेर कारणासे वाहॉये एकदम हरबाराये जाबे । जैनड वाहॉये खीष्ट यीशूत रहाल परमेश्वरेंर माहान प्रेम देखे, तने वाहॉर मनड पछ्तीयेजावे । खासकरे उखुना, जैखुना परमेश्वरेंर पुत्र

खीष्ट यीशूड, हामालार बहुतला पाप उठाये लेजावारनेताने ऋसत मरवारताने यिखान संसारत आस्ले ।

यिडअ छेक्कारे घटना ह्ये कि यीशूडक कराखानले मारले काँटार छत पिन्हाये दिए, वाहाँर हात आर ठेडत् मायाबेगरे काँटी ठक्येदिले आर तने वाहाँये हामार पापलार ताने ऋसत मरले । यिडअ घटनासे पापीलार मनडत पाश्चाताप दिए वाहाँर जीवनडत सुधार आन्वे । जैखुना वाहाँये परमेश्वरेर बचन परवे हत्ता वाहाँये आपनाक ऐनकखानत देख्वार सन्ति देख्वा लागवे, औ आपनाक भन-भन परमेश्वरसे दूर आर परमेश्वरेर आज्ञाला वेवास्ता कराल पावे । बडाअ धार्मिक शोक, पाश्चाताप वाहाँक आस्वे आर जैनडे वाहाँये लोय



३. पाश्चातापी मन



आर दुःखीत हये परमेश्वरेर आगुति आपनाक देखादिबे आर यीशूड वाहाँक आपनार बगलते तान्ये लिबे। परमेश्वरेर प्रेम आर शान्ति वाहाँर मनडत दुक्बे। जैखुना वाहाँये यिड बिचार करवा धरबे की “परमेश्वरेर पुत्र यीशू खीष्टेर सुरकिसे हामालाक गोटेपापसे शुध करिचे (१ यूहन्ना १:७)।” “फुटाल मन हवालार साभार बगलत परमप्रभूड छे। (भजन संग्रह ३४:१८)।” फेर परमेश्वरेर बचनड हिनड कहचे, “ मुई वाहाँरबिति देख्ये रहचु जाहाँये दुःखी आर टुटाल मनेर छे, आर मोर बचनला सुन्ये थरथरकरे काँपेचे (यसौया ६६:२)।” पवित्र आत्मासे यीशूर यीला बचन बलेचे, “ हे मोर बेटा (बेटी) ला खुशीहव ताम्हालार पापला क्षेमा हयेगेइच्छून। ” यीला गोटे काम वाहाँरैताने करिचे कहबार विश्वासत, जैखुनातक वाहाये ऋसत आर ऋसतबहाल यीशूर सुरकिखान देख्बे, वाहाँये यिड विचार करवा धरबे कि वाहाँर पापेर बभगाड खतम हयेगेइचे कह्येहुना, किजाँएकी यीशूड हामार दुःख शोक उठाये सहले कि “ वाहाँये हामारे पापेर कारण घायल हले आर हामार आधरमेर कारणसे पिटाई खाले। ” परमेश्वरत हामार गोटे पापेर बभगाला वाहाँरपर देदिले (यसैया ५३: १)। ”

पवित्र आत्मार जन्हाकखान दे आप वाहाँर आन्धारसे भराल आर आसुध मनडक भरायेदिचे। आप याहाँये शुध हयेगेइचे, यीशूर सुरकिखान याहाँक रुइहानेर सन्ति साफा बेनाये दिचे (यशौया १:१८)। पवित्र आत्मा वाहाँर आत्माडक गाबाही दिचे कि आप याहाँर पापला क्षेमा हयेगेइचेक आर याहाँये परमेश्वरेर अनुग्रहसे परमेश्वरेर सान्तान हयेगेइचे (रोमी ८:१६)। आप वाहाँक यिडअ जान्वा लाकि कि, “ जाहाँये काँहु यीशूत विश्वास कबे, नाश निहबे मातुन अनन्त जीवन पाबे (१ कोरन्थी ६:१०, ११)। किजाँएकी यीशूत हमालाक वाहाँर सुरकिसे, उधार आर वाहाँरअनुग्रहसे हामार पापेर क्षेमा हइचे (एफिसी १:७)।” देहार अभिलाषा करवारसे बरु परमेश्वरेर ताने बच्चा आर परमेश्वरेर ताने काम करवार ति मन जाबे, “ जाहाँये हामालाक पहिले प्रेम करले।” आप संसार आर संसारेर चिजलात प्रेम राखवारसे बदला वाहाँये परमेश्वरतक आर


परमेश्वरेर बेनाल चिजलात बेसी मयाँ करबे ।

वैसे यिडअ चित्रडत हरेक किसिमेर पापेर संकेत करवार जानाबरला आप मनडर बाहारबिती रहाल छे । तौंभी शैतानड आपनार पहिलेकार ठावखान छरवा निमानेचे आर फेर भिन्नत दुक्वारताने पाछुबिति घुरये देखेचे । वैसे प्रभू यीशूड हामालाक कहचे की, हामाला जागले रही, प्रार्थाना करी, शैतानडक आस्वानादि ताकि शैतानड हामारसे दूर भागोक ।

## चौथा चित्र

यिडअ चित्रड एकटा खीष्टियान हये कहयेहुना देखाचे, जाँहाये हामार प्रभू, उधारकरता यीशूर बलिदानसे शान्ति आर आनन्द पाएगेइचे । वैसे आप वाहाँक कुन्ह बातेर घमण्ड नि छे । “ खालि हामार प्रभू यीशू खीष्टेर क्रुसेर, जैखानसे मुई संसारेर ताने आर संसारखान मोर ताने क्रुसत टाडले (गालाती ६:१४)।” यीशू क्रुसत मरले जाहाँर सडे-सडे हामाऊ भी मर्न, “ पापेर ताने मरये धार्मिकतार ताने बचअ (१ पत्रुस २:२४) ।” एकटा खिष्टियान जाहाँये संसारेर बितिकार इच्छाला क्रुसत चराले । हामाला आज्ञा पाईचिकि “आत्मार अन्सारसे चलअ आर देहार लाल्साला कुन्ह किसिमसे भी पुराहवा नादअ (गालाती ५:१६-२५) ।”

यिडअ मनेर चित्रडत, एकटा खाम्मा देखाचे, जाहाँत प्रभू यीशूडक नुआला खल्ये अम्हाला बान्हीस्ले । याहाँर सडे-सडे चाबुक आर करालाव भी देखाये दिचे कि, जैलारसे वाहाँये बहुत मार खाइस्ले, किजाँएकी, “हामार शान्तिर ताने वाहाँये करार खाले हेरोद राजा आर वाहाँर लोकला यीशूडक खिज्जाले, करार मार दिले, बेगनीया रडेर नुआला पिन्हायेदिले, काटार छत् बनाये यीशूर मुथाडत पिन्हाये दिये, राजाड लागवार सनार छतखान कहते पिन्हाये दिले । राजार हातत गदा हवालागे कहते अम्हाला वाहाँर देहिना हातखानत मधवाला राख्ये दिए, वाहाँर आगुति कक्राहये “ यहुदिलार राजा बन्दगी ” कहते खिज्जाले । अम्हला वाहाँक थुप दिले आर वाहाँर हातेर मधवाला छिरयेलिए वाहाँर मुथाडत ठक्ले । वैनडतितकरे अम्हाला लाजनिमान्ये



#### ४. यीशुर सडे ऋसत चढाल

मायाँ-दयाँ निराख्ये खिस्सी करवारबात् यीशूडक ऋसत टाडवारताने बाहार बिती लगेलेने ।

बहुतला नामधारी खिष्टियानला छे, जाहाँये चर्चत प्रार्थाना करेचे, प्रभुभोज लिचे, परमेश्वरेर भजन गिदाचे ताहॉरपरे भी आपनार दुष्टकामालासे आपनार उधारकर्ताडक फेर भी ऋसत चढाये दिचे । “मोक, हे प्रभु, हे प्रभु कह्ये डाक्वार समेभना सरग जावा निपाबे मातुन जाहाँये मोर पित्तार वचन



अन्सार चल्बे वाहिं दुक्वा पारबे (मती ७:२१-२७) ।”

यिडअ चित्रडत हामा एकटा पैसार टप्ला भी देखेची, जैड यहुदा इस्करयोती हये। जाहाँये प्रभू यीशूडक धकादिए ३० टा रुपार टुकाले बेच्ये दिले किजाँएकी पैसार प्रेमसे वाहाँर मन्ड बान्हा रहे, मनड आन्धा हयेगेइसेलकी। लाल्टेम, चैन ला रोमी पुलिसला चलाईसले जाहाँये यीशूडक रातकरे पक्रिस्ले। पासा, जैला जुआ खेल्वार काम लागेचे, यिला पुलिसला जुवा खेल्ये यीशूर नुआखान भाक लागाले। आर हिनड कहवार परमेश्वरेर वचनड पुरा हले, “ अम्हाला मोर काप्राखान एकदसाभना बाटये लिबे आर मोर सेरुवालखान अम्हाला चिड्डा लागाबे (भजन संग्रह २२:१८) । ” अम्हाला यीशूर गोटेला चिज लिले मातुन वाहाँक हिनड कहत्ते इन्कार करले, “ हामालारपर अधिकार करवार यिडअ लोक हामाक निचाही ।”

प्रायेकरे लोकला परमेश्वरसे हरेक किसिमेर आशीक पाबा छाबेचे-बायाँर, भरी, सुरजेर धूप इत्यादि। मातुन लोकला आपनी परमेश्वरेर अधिकारत रहबा निछाबेचे। बहुतला लोकला दुखत मात्रे परमेश्वरतक छाबेचे आरहुना नी।

पुलिसला यीशूर कोखतत् आर पिथलफेक्साखानत भरसुला हानदे गाँथले, “ मातुन हत्तासे सुरकी आर पानी मात्रे निकिल (यूहन्ना १९:३३-३७) ।”

मुरगाड बल्वारसे पहिले पत्रुसत तिनफेक यीशूडक इन्कार करले मातुन पाछु बुकखान डाडहाये डाडहाये कान्ते पाश्चाताप करले। की ताम्हाला यीशूडक आपनार बचन आर काम से स्वीकार करिचन ? की लोकलार आगुति ताम्हालाक लाज लागेचकून ? यीशूड कहले, जाहाँये मोक लोकलार आगुति मान्थेलिबे, म भी वाहाँक, सरगत मोर बापतर आगुति मान्थे लिमिन मातुन जाहाँये मोक लोकलार आगुति निमान्थेलिबे वाहाँक मुई सरगत मोर बापतर


आगुति निर्मान्येलिम (मती १०:३२,३३) ।" यीशूड हिनड भी कहले, " जहाँये आपनार क्रुसखान उठाये मोर पाछु नि धरबे, बाहाँये मोर चेल्हा हवा निपार बे (मती १०: ३८ )।"

अमहला धनये हये जाहाँये खीष्ट यीशूर चाट्टानखान कटकटसे पक्रिये रहबे ।

## पाँचमा चित्र

परमेश्वरेर प्रसस्त अनुग्रह आर दयासे बचाए सुध आर पवित्र कराल एकटा पापी लोकेर मनेर चित्रड देखाचे । यिड मन परमेश्वरेर छेकार मुन्डिल, परमेश्वर पिता, पुत्र आर पवित्रआत्मार घर हईचे । जैनडकरे प्रभू यीशू खीष्ट प्रतिज्ञा करिस्ले, "काहुँ मोक मया करचे जदि वाहाँये मोर बचनला भी मान्बे आर मोर बापत् वाहाँक मयाँ करबे आर हामाला वाहाँरठिना आस्ये, वाहाँरसडे रहम् (यूहन्ना १४:२३)। " परमेश्वरत लोकलाक आशीक दिए उपर उठाचे (लुका १:५२) ।

आप यिडअ मन परमेश्वरेर छेकार मुन्डिल हईचे । हेत्तासे पापला निक्लाल गेइचे । झुटेर बाप शैतानसे हरेक किसिमेर जानाबरला रहाल मनडत आप हामा पवित्र आत्मा, सत्तेर आत्माला रहये छे , पापेर बैठकेर साट्टा वाहाँर मनडत आच्छा फलदायी गेछ, बागान हइचे, जाहाँर आत्माड फल फलाचे जैनडतिन: प्रेम, आनन्द, शान्ति, धिरज, दया, भालाई विश्वास, लरमता, संयम आरह यैनडतिन परमेश्वरटक आर लोकलाक पसिन परवार कामला । आप याहाँये छेकार अंगुरेर फल्वार ठाल हइचे, जैड अंगुर हामार प्रभू यीशू खीष्ट हये । यिड फल फल्वार मतलब यिड हये कि वाहाँये आप खीष्टत छे, खीष्ट आर वाहाँर बचनाला उड लोकेर ठिना रहचे (यूहन्ना १५:१-१०) । पवित्र आत्मा से भरये आर बाप्तिस्मा लिये वाहाँत आप देहा आर देहाडर अभिलाषालार



## ५. परमेश्वरेर मुन्डिल

पर बिजय पाबर आर पुरना विचारला कुसत टाडये दिवार पावर छेक । पवित्र आत्मार पावरसे याँहाये आप आत्मिकतात बेरवार आर देहाडरपर जीत्वार पाबर पाईचे । याहँथे सुनाल, देखाल आर अनुभव कराल बातलार अन्सार निबेरावे मातुन विश्वालेरपर जीवनड वितावे, किजाँएकी खीष्ट यीशूत विश्वास करवारखाने विजय ह्ये ।

“धन्ये शुध मनहवारला किजाँएकी अम्हाला परमेश्वरतक देख्वा पारवे (मती ५:८) । ” दाउद राजाड आपनार गोटे धन सम्पती आर आपनार बाहारवितिकार शत्रुलारपर विजय पालौ परेभी, यिडअ मालुम पाले की सबसे




बड जुद्ध आपनार मनडत चालिस्ले आर आपनार आन्तरिक आबशेकतार मालुम करते यिड प्राथाना करले, “हे परमेश्वर मोर हृदयडत शुद्ध आत्मा सृजेक आर मोर भिन्नत नायाँकरये थीर आत्मा दे (भजन संग्रह ५१:१०)।” काहूँ भी आपनार मनड आपने शुध करवा आर आपने नायाँ आत्मा बेनवा निपावे, खालि दाऊद राजाड करवार सन्ति परमेश्वरेर ठिना आस्ये आपनात नायाँमन बेन्वार ताने, परमेश्वरेर ठिना प्राथाना करये मात्रे हवार बात ह्ये। परमेश्वरत ताम्हालार मनडत नायाँ बात करवारताने तायार छकन। जिद्दीसे भराल ताम्हालार आपनार धर्मेर चिरा नुआला पिन्हाल मनडत परम परमेश्वरेर बासस्थान हवा निपावे। परमेश्वरतये ताम्हालाक हातिहुति दिवार ताने साज्ये छुकून, किजाँएकी उड लोक वाही हकून जाहाँये प्रतिज्ञा करये कहिचकून, “मुई ताम्हालार पर पवित्र पानी छिट्टादिमुन्न, जाहाँर से ताम्हाला शुध हवन। यैनडकर मुई ताम्हालाक गाटे आशुध आर मुर्तिलासे शुध करमुन्न। तने मुई ताम्हालार मनड नायाँ करये, ताम्हालात नायाँ विचार जागाये दिमुन्न आर ताम्हालार पथलर सन्ति मनड निक्लाये मासुर मनड दिमुन्न। तने मुइ आपनार आत्माड ताम्हालाक दिए, हिनड बेनामुन्न की ताम्हाला मोर विधी विधानलात बेराबन आर मोर नियम कानुन अन्सार बेराबन (इजकिएल ३६:२५-२७)।” यैडये नायाँ नियमेर कानुनेर मतलब ह्ये, जैड आत्मा परमेश्वरत आपनार पुत्र यीश खीष्टेर सुकिसे छाप लागाइचे।

हामाला यिडअ चित्रडत सरगेरदुत्त त फेर प्रकट हवाल देखेची। सरगेरदुत्तत अम्हालाक सेवा करेचे, जाहाँये अनन्त जीवनेर भागिदार हइचे। सरगेरदुत्तत परमेश्वरेर डर मान्वारलाक घेरये रहचे। भजन संग्रह ३४:७; ६१: ११, दानिएल ६:२२; मती २:१३; १३:१९; १८:१; प्रेरित ५:१९; १२:७-१०।

हामाला यिडअ चित्रडत शैतानडक भी मनडर लक्ते थारहये रहाल देखेचि, ताहाँते कि शैतानड फेर आपनार पहिलेकार ठावखानत ढुक्वार दाव छाबेचे। वैसे हामाला आदेश पाईचि कि हामाला जागले रहये प्राथाना करि, “किजाँएकी हामालाक मार्वार शैतानड, काहाँक लागाला पाई आर खायजाइकहये गिर्जाबार बाघडर सन्ति छाब्ये बेराचे (१ पत्रुस ५:८)।” के फेक, के फेक, शैतानड ज्यातिर दूतेर रुपत भेष धरये हुसियार निकरा परमेश्वरेर जनलाक संसारेर बासना आर अभिलाषात मस्त बेनाये पाप करवा लागाचे, हेतातक की विशेसकरे विछये राखाल जनलाक भी धका देदिचे। जदि हामाला वाहाँक विरोध करि ते वाहाँये हामालारसे दूर भाग्ये जाबे।

## छैठम चित्र

यिडअ एकटा विश्वासेते पाछु हटाल एकटा लोकेर चित्र हये । याहाँर एकटा चखु मुभ्ये जाबा चाहाचेक, जैडसे याहाँये खीष्टियान जीवनसे रसेरसे पाछवाते चल्ये जाचे आर याहाँर दसा चखुड लाज निमान्ये चारहति देख्ते संसारेर प्रेम आर कामवासना त भुल्येगेड्चे । याहाँर मनेर जन्हाकखान घेमाये गेड्चेक आर यीशूर सडे दुख भग्वार ताने बेनाल लक्षणला हाराये दिचे आर आभौ यीशूर सडे बेरवा निछाबेचे । याहाँर चारहति परिक्षाला घेरये छे, जाहाँक विरोध करवार साठ्ठा, रसेरसे उला परिक्षालार सडे हारते चल्येजाचे । परमेश्वरेर वचन सुन्वार साठ्ठा आप वाहाँये शैतानेर कामलारति मन दिबे,



६. पारिक्षित आर विभाजित मन



आभी भी धार्मिकतार जाम्मा पिन्येहे आपनार संसारिक बातला नुकाये चर्चत आराधना करवा जाचे आप याहाँर मनडत परमेश्वरेर प्रेम खतम ह्येगेइचेक । याहाँये दुई मनेर बिचत हित्ति ने हुत्ति ह्ये, थारह्ये छे । परमेश्वरतक प्रेम करवार बाहाना करये संसारखानेर सडे प्रेम करवा धरिचे । याहाँर मनेर तारो आर बिबेकत आन्धार ह्येगेइचेक । याहाँये आप उखान क्रुस हासिये निउठाये , याहाँर जीवनेरलिये भारि ह्येगेइचेक । याहाँर विश्वासखान आल्हा डगमगिवा लागिचेक । आर प्राथानात परमेश्वरेर सडे संगती आर गफ करवा बन करयेदिचे । आपनार मनड लाथालीड करये छरये रसेरसे आपनार मनड शैतानडक दिते चलजाचे । याहाँये आप विश्वासीलार संगतिसे बह संसारेर संगतित बेसी जावा धरिचे ।

मजुरेरे आत्मा, जैड घमण्डेर चिन्ह ह्ये, भिन्नत दुक्वा छाबेचे । याहाँये आप मुई अनुग्रहसे उद्धार पाइचु कहवार बात बिसिये, एकटा घमण्डी खीष्टियान ह्ये रहचे । देहार बिचार आर कामबासनाला फेर याहाँर मनडत जाग्ये उठ्वा धरिचे । याहाँये फेर खिज्लीवा निआच्छा फोटोला देखा, खाराप संगत करवा आर विभिन्न निआच्छा नाच करये आपनार मनडत शान्ति लिये शैतानेर खाराब साल्लाहा लिवा शुरु करिचे आर याहाँये यिडअ कहचे कि येतकिना करवार ठिके ह्ये, यतकिना करलेसे कुन्ह पाप नि छे ।

यिड बात छेच्कार ह्ये की, शैतानीक पंखी आर आशुध बिचारला हामार मुखार उप्रत उरवारसे हामा रोक्वा निपारम् मातुन उडअ दुष्ट पंखिडक हामार मनडत खत्ता लागवा दिए डिम्मा बाच्चा उठ्वा दिले हामा दुष्यात परम । जदि हामाला शैतानडक लेटि आडोलड दिलौ परे भी, हामाला यिडअ मालुम करवा लागे कि शैतानड हामार गोटेखान हात पक्रिये हामार आत्माडक नरकत फेकाये दिबे ।वैसे हामालाक परमेश्वरतसे यिडअ आज्ञा छे की, हामाला बैसेर अभिलाषासे भागवा लागे आर जैला लोभ दखालौपरे भी हामाला उला




लोभत दुक्वा निलागे । हामाला यीशूरठिना दौरिये जाबालागे जाहाँये हामार उद्धार आर बिजय ह्ये । काँतीहानदे गाँठ्वार चित्रर लोकत, खीष्टीयानलाक खिज्जलीवार लोकह्ये। हिनडतिन किसिमेर दुस्याबार लोकला, दोमन करये र हाल खीष्टेनला हारये, खीष्टेनसे भंग ह्येजावे । तने याहाँये आप परमेश्वरेरसे भी बेसी लोकेर डर मान्वा धर्वे आर लोकला कि कहबे नि कहबे कहबार डरसे, लोकलारे सडे घुलमिल ह्ये, परमेश्वरतसे दुरहत्ते चल्येजावे । संकट आर उदासेर बेलात रिसखान भिन्नत दुक्वा छाब्बे । आर कनेक खीष्टेन जीवनडसे बेसी बल्यो, आपनी ह्येजाले आच्छाये खीष्टीयान जीवनडत दुक्ये जावे । एकेजारा मौका दिले खीष्टीयान लोकेर जीवनडत् घृणा र आर घमण्डेर दुवार खल्ये दिबे ।

टाका पैसार लोभ देखाये, शैतानड जल्दी यिड लोकेर मनडत दुक्ये जाबा छाब्बे, जदि हामाला प्रभू यीशूर चेतवनी खानत ध्यान निदिम यीशू कहचे, “ जाग्ले रहव, प्राथानाकर आर परिक्षात नागिर (मती २६:४१)” “बैसे, “ जाहाँये मुई थारहये छु कहये ने बिचार कर्बे, वाहाँये हुसियार रहोक नि ते गीरये जाबे (१ कोरन्थी १०:१२) ।” हामाला परमेश्वरेर गोटे हात-हातियारला बुक्ये नि, जैलारसे हामाला शैतानडर सडे लाही करवा पारी (एफिसी ६:११-१८) ।

## आतम् चित्र

यिडअ चित्र विश्वाससे पाछु हटाल लोकेर मनेर आवास्थाड देखाचे, जाहाँये एक दिनत खीष्ट यीशूत मुक्तिर ज्ञान पाये सरगेर आशीषेर स्वाद चाख्ये, पवित्र आत्मार संगतिर सड् हइस्ले मातुन आप यहाँये पतन ह्येगेल । यिडअ चित्रड हुनडतिन लोकेर आवास्थाडव देखाचे, जाहाँये कोधोएनी पाश्चाताप करिचे, नेते आपने परमेश्वरत अर्पन करिचे । सुसमाचार भी सुनिचे । याहाँये यिडअ लोक ह्ये, परमेश्वरेर ज्ञानेर साल्लाहा दिलौ परे भी, याहाँर सुधीवार ताने जेतके साल्लाहा दिलौ परे भी याहाँर मनड भन-भन खाराप हत्ते चल्येजावे ।



### ७. विश्वास छ'रा आर खाराप मन

विश्वासत पाछु हटवारलाक यीशू आपने, अम्हलार विचारला वर्णन करेचे, यीशू कहचे, "जैखुना आशुद्ध आत्माड कुन्ह लोकटसे निकलिये जाचे, तने याहाँये आच्छा ठावखानत रहवा छावेचे, आच्छा ठाव निपालेसे आपने कहचे, आपमुई पहिलेकारे धरत जाम'.कहयेने । धरये आसवारहुना साप्टाल आर साजाल देख्ले, धुरये फेर जाये आपनार दुष्ट सातभन सड सडे-सडे आन्ये, आत्मार भित्रत फेर दुक्ये बास करवे, तने उडअ लोकेर हालतखान भन-भन आरह खाराप हते चल्येजावे ( लूका.११.२४-२६) " यीडअ छेच्कार बातेर अन्सारे अम्हलार यिडअ हईचेक कि कुकुरट आपनारे छादनखानत धुरये आसेचे आर

सिनान कराये दुवाल कुकुरत्त बालुलाते लरवराये खेलाचे (२ पत्रुस २.२२) ।”

बाइबल शास्त्रेर यिखान भागत विश्वासत पाछु भाग्वारलाक आर पापी भनेर अवस्थाड आच्छासे देखाचे । पाप त सभे किसिमेर धकाबाजीर सडे मनडत वासकरवा आर शासन करवा आसिचे । हेत्ता तक की याहॉर मुखखान देख्ये भी जानाल जाबे किजाँएकी पाप आर पवित्रता एकेसडे रहबार बात निहये । हामालार मन ड एके समयेतर परमेश्वरेर मुन्डिल आर शैतानेर घर कोधोएनी हबा पाब्रे । हेत्ता स्वर्गदूत्त त परमेश्वरेर बचनेर डरसात भागवा धरिचे ताहॉर परे भी यिडअ लोक पाश्चाताप करबे ने की कहये, पाछु धुरये देखेचे, जैनडतिन घर छरये जाबार पुत्रड करले, “मुई उठ्ये आपनार बाऊडर ठिना जाम् आर वाहाँक कहम, ‘हे बाऊ मुई सरग आर तोर नजरेर आगुति पाप करिचु, याहॉर से आगु तोर बेटा कहबार सन्ति भी नि छु, मोक आप तोर नकरलार मईधे एकटा नकर कहये मानेक (लूका १५:१,१९) । याहॉर बाऊड आपनार बेटाडर पाश्चातापी मन देख्ये क्षेमा करयेदिल ।

मातुन यिड चित्रडत. देख्लेसाथे यिड जान्वा सकेचिकी यिड लोकेर मनडत्त कुन्ह भी पाश्चातापेर चिन्हव देखा निजाचे । काहूँनी परमेश्वरेर ती धुरये आसिचे आर काहूँ नी यीशूर चरणत आस्ये क्षेमार ताने थाम्ये छे । याहॉर मनड हिनड ह्येगोइचेक की गरम लुहाहानदे दाग्ये चुपचाप बेनाल गोइचे । याहॉर कान छे ताहॉरपरे भी याहाँये यीशूर मधुर बचनला सुन्वा निपारेचे । याहॉर चखु छे ताहॉरपरे भी नरकेर अधीनखान देखा निपारेचे जैखान याहॉर ठेडखानेर बगलते मुखखान मेल्ये छे । पाप करवार आप याहाँक कुन्ह सरम निलागेचेक । शैतानड याहॉर मनडत आप राज करवा आसिल आर आपनार सिहाँसनखानत राजाडर सन्तिहये बठ्ये छे । यिड भी सम्भव छे कि याहाँये आरह भी बाहार ती आपनाक एकटा आच्छा आर आदरेर पुरुष हऊ कहयेहुना महसुस करबे मातुन याहाँये आप चुनखानदे लेपाल कोहोबोरत्तर सन्ति खालि ह्ये, जाहॉर बाहारबिति आच्छा देखाजाचे आर भिन्नत मराल लोकेर हँडिये हँडिड से आर आछुत चिजलासे भराल रहचे (मती २३:२७) ।”

भ्रुटेर वाप त सतेर आत्मार ठिना आस्ये छे । एक - एक जानाबर लाक, एक-एक पाप करवार आप राकसेर आर आशुध आत्मार संगत पाइचे, जाहाँये यिडअ लोकेर मनडत राजकरये छे । यिड चित्रेर लोकट यिला दुष्ट



कामलासे अलंगे रहबा चाहाचे मातुन निपाचे किजाँएकी दुष्ट जानाबरला यिड लोकटक पक्रिये राखिचे । “मोशार नियम-कानुनला लेठ्याबार यिड लोक, दुड कि तीन भनार गवाहीर बातलात, मयाँए बेगरे मरबे । आप बिचार कर त कि परमेश्वरेर बेटाडक ठेडलादे खिच्चार लोकट आर आपनार शुद्ध करवार बचनडक अपवित्र मान्वार लोकटक आर अनुग्रहर आत्माडक अपमान करवार लोकटक भन किनड साजाए हतेक (हिब्रु १०:२८, २९, २ पत्रुस १:१४)”


यिडअ चित्रड ताम्हालार हृदयेर अवस्थार सडे मिलेचकुन जदि प्रिय बन्धुला, ढिला निकरये आपनार भित्रि मन से परमेश्वरतक डाकाव यीशूडये ताम्हालाक उधार करवा पारतोक्न, जदि ताम्हाला छेच्कार मनर पाश्चांतप लिये वाहाँर ठिना आस्ले, वाहाँये ताम्हालार गोटे पापला क्षेमा करवारताने धाम्ये छकन । ताम्हाला वाहाँक यिडअ कामकरवाये दिलौ परे भी वाहाँये शैतानेर आर आन्धाकारेर गोटे सेनालाक बान्येहे “ताम्हालार मनडसे निकलाये दिबा पारतोक्ने । बाइबलेर उडअ कुरयाहा लोकटर सन्ति ताम्हाला आस ।” जैनडतिन उडअ कुरयाहा लोकट यीशूर ठिना आस्ये कहिस्ले, “ तोर मन जाले मोक सडअ करवा पाबो, यीशूड तने कहले मोर मन जाचे तूई सडअ हये जा (मर्कूस १:४०, ४१) । ” मातुन ताम्हाला आपनार मनड कट्कट करये रहले आर जनहाकखानसे बेसी आन्धारखान पसिन परले, ताम्हाला आश आर भारसा निहकरलौ परे भी हबा सकेचे किजाँएकी ताम्हाला अमर जीवनडर साठा मरनडक छाबिचन, “किजाँएकी पापेर दाम मरन हय (रोमी ६:२३) ।”

## आँठम् चित्र

हेत्ता हामा आल-टाल करवार पापी आर विश्वास छरा ड मरनेर बगलत पुगाल देखेची । आल्हा याहाँर मनड मरनेर डर आर देहार पिडा से भराल छे । सत्ते नि सचाल बेलात मरनड आस्ये पुगि गेइचेक । आप पापेर धकार जीवनड पापेर मान-मयाँदाला खतम हये ; वास्तविकतार आगुति चल्ये आसिचे । नरकेर हातखानदे आपनार शिकारतक पक्रियेलिचे । आल्हा याहाँये परमेश्वरेर सडे ब्रिन्ति करवा छाबेचे मातुन याहाँये मरवारसे आगुतक परमेश्वरेर प्रेमला लेठ्याबार कारणसे आल्हा परमेश्वरेर प्रेमेर संगत हबा निपारबे । याहाँर पहिलेकार सडला आप मरनेर बगलत थारहये रहबा भी

डराचे आर येम्हालार खाल्या बोलिलासे यिड लोकतक आप कुछु भी हवा निसकेचे । आपनार जीवनभर कामला सम्पतीला नेते आप याहाँक मरन से बच्चा पावें, ने ते याहाँर प्राणडये बाच्चावा पावें, ने ते याहाँर मरनेर दर्द खान लरम करवा पावें । याहाँक आप परमेश्वरतर ति तान्वार मुस्किल छे किजाँएकी शैतानड उडअ मौका दिवेनी करवे ।

जैला जैला चिजलाक याहाँये मयाँ करिस्ले, जाहाँर ताने याहाँये जीवन दिडस्ले आभी वैलाये चिज याहाँर खीससी उराचेक ।



द. पापीर दण्ड



हेत्तातक कि परिवर्तन निहवार लख्वालडव भी आप याहाँक बच्चा निपाबें । आप इडअ मालुम करबे कि “जेअँत परेमश्वरेर हातत परवार डरलाग्गा बात हये (हिब्रू १०:३१) ।” याहाँये यिड आश करिस्ले कि, कुन्ह एक दिन जै दिन मोर फुसंद हबे, वै दिन, नि ते मरवार हुना, परमेश्वरेर सडे हिसापला मिल्वा लागे । मातुन आप यहाँये मालुम पाचे कि परमेश्वरेर सडे बठ्ये हिसाप करवार ढिल्ला हएगेल आप मुइ कुछुनि करवा पाम् । हाजारौ लोकला आचुकाते मर चे आर अन्तिमेर हुना अकरति नि मौका पाचे, परमेश्वरतक छाववार । वैसे लोकलाक यिडअ बातेर आबशोक छे कि, जेअँते हत्तै परमेश्वरतक छाबोक । परमेश्वरेर बचन आर शान्ति सुन्वार-देखवार साठ्ठा मरवार लाखाती यिडअ पापी, जाहाँये आपनार जीवनकालत परमेश्वरेर दया-मर्यालाक लेठ्याईस्ले । वैसे आप मुक्तिदातार बोली सुन्वार साठ्ठा, न्यायकर्तार बोलिड आल्हा सुनेचे, जाहाँये हिनड कहचे, “हे श्रापित ला, शौतान आर शौतानेर लोकलार ताने ब्रेनाल दन्दन्या-अघिनखानत मोर से लरये जाव (मती २५:४१) ।” “लोकलार ताने एकफेक मरन आर ताहाँरबात इन्साफ राखाल छे (हिब्रू ९:२७) ।”

## तवम् चित्र

यिडअ चित्रड क्रिश्चन जीवनत आस्ये परवार अघनी परिक्षा आर जाँचला सहवार आर बिजय हवार देखाचे । जैखुना याहाँक चारती से परिक्षा आसेचे वैखुना याहाँये हात्तास निखाये आगवाते आरह चल्ये जाचे । खालि याहाँये क्रिश्थानी दौरत भाग निलिचे, याहाँये यिखान दौरत धिरकरे मनड दौगेचे, ने ते देहिना बित्ति देखेचे, ने ते बायाँबिति देखेचे मातुन, विश्वास करवार आर सिद्ध करवार खालि यीशूडर बिति देखेचे (हिब्रू १२:१, २) ।”

शौतानड आपनार गोटे सेनालाक लिये विश्वासी मनडक चारती धरये बहकिबा छाबेचे । घमण्ड, टाका-पैसार लोभ, बेबिचार आर यैनडतिन बहुतला पापेर लोभला देखाचे । बाघडर ठिना आल्हा हामाला हेत्ता एकटा गाधा देखेची किजाँएकी बहुतला फेक पापला रूप फेरये-फेरये आसेचे मातुन एकटा हुसियार खीष्टीयानड, पापला जैनडतिन रूप धरये आस्लौ परे भी चिन्येहे



फेकाचे । किजाँएकी परमेश्वरेर बचन आर सत्तेर आत्माड याहाँक आप सत्तेतात दौगाचे । गोटे जानाबरला छरये हामाला हेत्ता एकभन लोकट रक्सीर पेलाड हातत लिये नाच्चे रहाल भी चित्रडत् देखेची । जाहाँये उडक विश्वासीडक संसारेर काम बासना आर मोज-माज्जात भुलाये परिक्षात गिरवा छाबेचे । मातुन निपाचे किजाँएकी याहाँये परमेश्वरत आच्छा हवार कारण से यिड खीष्टेनेरपर कुछु हान्ती करवा निपारीचे । याहाँये आपनी पाप आर संसारेर लिये यीशुर सड-सडे क्रुसत मरिगेड्चे । चित्रडत देखवार दसा लोकट उडअ खीष्टिनडक चुप्पीखानदे गाँठेचे । कुबचन बल्वार विश्वास छरवार, निन्दा करवार परमेश्वरेर शत्रुलारसे डर, धम्की देखवार, देखाती खीष्टेनलार से साताइ खाबार, एकटा आच्छा खीष्टिनेर ले मनडत चक्कखान दे गाँठ्वारे सन्ति हये । मातुन याहाँये संसारेर लिये मरिजाबार कारणसे, लोकेर बालताल नि मातुन परमेश्वरेर बातलार ती बहुत ध्यान दिबे । याहाँये यीशुड कहाल बचनला फम करबे, “धन्ये हन् ताम्हाला, जैखुना लोकला ताम्हालाक मोर खातिर निन्दा करतोक्न, पिटातोक्न आर बहुत किसिमेर खाराप धाटाल लोकलार ठिना बल्ये बेरातोक्न, तब ताम्हाला बहुत खुसी हवकिजाँएकी सरगत ताम्हालाक बडअ इनाम दुआल जाबे (मती ५:११,१२) ।”

पापता देहादक आर शैतानड उडअ विश्वासीडक परमेश्वरेर प्रेम से अलग राख्वा छाबेचे । मातुन याहाँये बडअ आनन्दसे आर निश्चीतसे कहबे “काहाँये हामालाक परमेश्वरेर प्रेम से छुट्वा पारबे ? कि संडकटसे, या शरिरेर बेदनासे, या डर से या आकालसे, या खातारासे या तेरवालसे ? (रोमी ८:३५) “ अहँ, यीला गोटे आबास्थायत हामालक मयाँ करवार तसे हामाला सुरक्षित छि (रोमी ८:३७) । ” परमेश्वरेर हातहातियारला लिये याहाँये दुखेर दिनत थारहये रहबे आर खीष्ट यीशूसे गोटे परिक्षालात जीत हये जाबे । जाहाँये खीष्ट यीशूसे गोटे परिक्षालात जीतले वाही जीत्ये महिमार छत्त भी पाबे ।

आप याहाँर मनड साफ्फा आर आच्छा छेक । याहाँर मनड विश्वास आर पवित्र आत्मासे भराल छेक । याहाँर उप्रेरकार सरगद्दत त्, याहाँक दुआल उला दामी प्रतिजाला फम करवाये दिचे जाहाँये बहुत दिनतक विजये हये धिरज करये रहचे । जाहाँये जीत्ये, वाहाँक मुई परमेश्वरेर सरगत र हाल जीवनेर गोछेर फल खाबा दिमिन ।” “जाहाँये जीत्ये वाहाँक दसा मरनसे

कुछु निहतेक । ” “जाहाँये जीत्वे वाहाँक मुई नुकाये राखाल मन्न्ला दिमिन आर वाहाँक मुई एकटा गर पथल दिमिन, उडअ पथलत् एकटा नायाँ नाम लेखाल पाबे, जाहाँये उडअ पथल पाबे खालि वाही जान्बे । ” वाहाँक मुई जात जातिर पर अधिकार दिमिन जाहाँये मोर कामला पाछुतक राख्बे । ” “ जाहाँये जीत्वे वाहाँक मुई साफा नुआ पिन्हाये दिमिन आर मुई वाहाँर नाम ड जीवनेर किताबखानत रहये जातेक आर वाहाँक मुई मोर पितार बगलत आर वाहार दुतलार बगलत मान्येलिमिन । ” “ जाहाँये जीत्वे वाहाक मुइ मोर परमेश्वरेर मुन्डिलेर खामा बेनामिन आर वाहाँये हत्तासे फेर नि निक्लबे । ” “ जाहाँये जीत्वे, वाहाँक मुई मोर सिहाँसनत, मोर सडे बठ्वा दिमिन, जैनडतिन करे मह भी जीत्नु, आर मोर पितार सडे, वाहाँर सिहासनहानत बठ्ये छु (प्रकाश २:७, ११, १७, २६; ३: ५, १२, २१) । ”

खलाल पैसार टप्लाड कि देखाचे की, याहाँये आपनार मनड खालि नी मातुन आपनार गोटे धन-सम्पतिला भी परमेश्वरेरतक चढायेदिचे । आपनार यिला संसारेर धनसम्पतीला बरबाद हबारसे बरु, याहाँये गरिपलाक दिचे आर जे आपनार सडेछेक उलाभी परमेश्वरेर महिमार कामत खर्चा करेचे ।

रुटि आर माछला कि देखाचे कि, याहाँये एकटा शुध, पवित्र आर आच्छा जीवन जीचे । याहाँये आपनाक रक्सी खाये सुकिं खाये या टुटिड मन्नाये माराल जानावरेर मासु खाये या कुन्ह आशुध भजन खाये आपनाक आशुध निकरेचे । याहाँये आपनार पैसार बरबाद निकरेचे, ने आपनार देहाडक पान, खैनी डगस खाये आशुद्ध बनाचे मातुन तागती, शुद्ध आर आच्छा भोजन खालि खाबे । याहाँर आपनार मनड प्राथानार घर हइचेक । जैनडतिन हलौपरेभी याहाँये चर्च त आराधना करवा हर समय जाचे । याहाँक प्राथानात भाक लिबार मन जातेक जैठा हलौ परे भी । किजाँएकी याहाँक यिडअ मालुम छेक कि, एकटा आच्छा खीष्टानेर जीवनत परमेश्वरेर सडे प्राथाना निकरये रहबाये नि पाबे ।

उखान खलाल कितापखान कि देखाचे की बाइबलखान याहाँरलिये हरक दिन खलाल छे आर याहाँये सभे दिन बाइबल पढेचे आर हेत्तासे याहाँये बुद्धि, बल, जीवन आर धन असुल करेचे । आप याहाँर लिये यिखान किताप याहाँर ठेडेर लिये जन्हाक आर तेरवाल हइचेक, जैलारसे याहाँये आपनार शुत्रलाक सतम करये दिचे । यिखान याहाँरले सभे दिनकार आत्मिक भजन, जैला आत्मार लिये ह्ये, यिखान हुनडतिन पानी ह्ये जैखानसे आत्मिक प्यासखान मेट्बे, सिनान करलेसे आपनाक धये शुद्ध करये दिचे आर यिखान एकखान येनक







फलाचे । याहॉर मनड आप पवित्र आत्मा, परमेश्वरेर सिद्ध प्रेम से भराल हबार कारण से, याहॉक मरवार डर आप निछे ।

## दृशंम चित्र

यीशूड कहले, “ पुनरुत्थान आर जीवन मुंहे हऊ, मोक विश्वास करवारला मरलौ परेभी जेअंत हयेजावे, आर जेअंत हवाल आर विश्वास कराल दन्हेला कधौनी मर्वे (यूहन्ना ११:२५, २६) । ” जाहॉये मोर बातला सुन्वे आर मोक पाठवारतक विश्वास कर्वे, वाहॉर सडे अनन्त जीवन हवे, याहॉये इन्साफत निआस्वे मातुन मरनसे जीवनत् लरयेगेईचे (यूहन्ना ५:२४) । ” खीष्टेनत् मरनेर कुन्ह डर नि छे । मरनड जेअंतत् चल्ये आसिचे । ऐ मरन तोर जीत कुन्हा ? ऐ मरन तोर कुज्जीड कुन्हा ?..... मातुन परमेश्वरतक धन्येबाद होक, जाहॉये हामालाक हामार प्रभू यीशू खीष्टसे जीत कराये दिचे (१ कोरन्थी १५:५४-५७) । ”

उडअ लोक, जाहॉये परमेश्वरेर सडे बठेचे आर बेराचे वाहॉक मरनसे कुन्ह डर नि छे किजॉएकी वाहॉक उद्धार कराल गोइचे । जैखुना वाहॉर यिखान संसार छरवार वेला आस्वे उखुना वाहॉये खुशी हये जावे । जैनडतिन पावल प्रेरित कहचे, “मरयेजाये खीष्टेर सडे रहबार मन त जाचे किजॉएकी खीष्टेर सडे रहबार एकदम आच्छा बात हये (फिलिप्पी १:१३) । ”

यिडअ विश्वासी यीशूर उडअ रूप देख्वा छाबेचे, जैड रूपे वाहॉर लिय क्रुसत मरले आर वाहॉक उद्धार करले । पवित्र आंत्माडव भी वाहॉक यीशूर वचनला फम करवाये दिचे कि, “ताम्लार मनड दुखित नाहकून, ताम्हाला परमेश्वरतक विश्वास करेचन जदि ते मक भी विश्वास कर (यूहन्ना १४:१) । ” “चखुले निदेखाल आर कान दे निसुनाल, लोकेर मनडत निदुकाल हिनतिन, जैनडतिन बातला भी परमेश्वरतक प्रेम करवारलार ताने बेनाईचे (१ कोरन्थी २:९) । ” पृथीमित कुन्ह हिनडतिन भाषा नि छे, जैड भाषादे स्वर्गेर वर्णन कारये खतम करवा पावें, जैखान ठाई यिखान संसारत हामार प्रभू यीशू खीष्टेर सडे-सडे बेरवारलार ताने तायार करिचे ।

डरलाग्गा करे मरवारहुना, एकटा सर्गदूत यिडअ अन्तिम



### १०. महिमात सर्ग प्रस्थान

चित्रदत देखाचे । यीडअ सर्गदूत उडअ धर्मी बेनाल आत्माडक परमेश्वरेर ठिना लेजाबारने ताने थाम्ये छे । आप याहाँर प्राण आर आत्माडक नाशवान देहाडसे मुक्ति दिये याहाँक सर्गेर ति उठाये लेजाचेने जाहाँये याहाँर आत्माडक मर्या करले आर किजाँएकी यिड लोक परमेश्वरेर ताने पृथीमित रहले आर परमेश्वरेरताने मरले । परमेश्वरेर उपस्थितित एकटा स्वार्दपूर्ण सम्मान याहाँक कराल जाबे, जैठा याहाँक याहाँर प्रभूर खुशीर बोलिसे सम्मान करचे । “धन्ये असल आर ईमान्दार नकर; तूई चाइरिक बातत ईमान देखालो; आप मुई

तोक बहुतला बातेर जिम्मा दिमुन आर तोर आपनार मालिकतर सडे-सडे आन्द कर (मती २५:२१) ।” आप याहाँर पर शैतानेर कुन्ह पाबर नि लागतेक किजाँएकी “परमेश्वरेर जनलार मरन परमेश्वरेर नजरत एकदम अनमोल छे (भजन संग्रह ११६:१५) ।”

“तने मुइ सरग से हिनड कहवार आबाज सुन्नु, हिनड लेखेक, प्रभुर ताने मरवारला धन्ये ह्ये, आत्मा कहचे कि अम्हाला आपनार-आपनार कामलासे आराम पाबे किजाँएकी अम्हालार कामला अम्हाक पाछवाबे (प्रकाश १४:१३) ।” आमीन ।





## आखिरी उपदेश

प्रिय श्रोतागनला, परमेश्वरत ताम्हालाक मदत्त करकुन कि ताम्हाला आपनार मनड वाहाँक दिवारले, जाहाँये ताम्हालाक मयाँ करेचकुन किजाँएकी वाहाँये ताम्हालार सडे आच्छासे कहचकुन, “हे मोर बेटा बेटिला ताम्हालार मनड मोर बिति लागाव (हितोपदेश २३:२६)।” ताम्हाला आपनार हेदुयाल, निराश आर दुखीत मनड यीशूडक दव आर यीशूड नायाँ मन आर नायाँ आत्मा ताम्हालाक दितोक्न। ताम्हाला आपनार धकार मनडर इच्छा आर अभिलाषालार सडे रहये आपनाके धका नादव किजाँएकी “जाहाँये आपनार मनडत भासाँ करेचे वाहाँये मुख हये मातुन जाहाँये बुद्धिसे बेराबे वाहाँक बचाल जाबे (हितोपदेश २८:३६)। आपनार पापला छ’र आर परमेश्वरेर धार्मिकतात् आसअ “किजाँएकी पापेर दाम मरन हये, आर परमेश्वरेर बरदान हामार प्रभू यीशू खीसत अनन्त जीवन हये (रोमी ६:२३)।”

ताम्हाला जाहाँये आपनार जीवनड परमेश्वरतक सपिचन, ताम्हाला सुनाल विश्वास आर प्रेम जैला खीष्ट यीशूत छे, आपनात उच्च करये राख, किजाँएकी वैसे पावल प्रेरित त, २ तिमोथी १:१२ त हिनड करे कहचे, “किजाँएकी मुई काहाँरपर विश्वास करेचु, उला मुई जानेचु, आर मुई निश्चित छु कि जैला बात मुई उडअ दिनेर लिये वाहाँक सँपिचु, यिला आच्छासे राखवार वाँहि हये।” यिखान पवित्र विश्वासत आपनाक राख्ये दे, पवित्र आत्मासे प्राथाना कर आपनाक परमेश्वरेर मयाँ त राख्ये द, खीष्ट यीशूक देख्ये जाहाँये देमाल, साच्चा आर जीवन हये, आर हामार प्रभू जाहाँय आपनारलाक लिबा जल्दी आस्वा लागिचे, “जाहाँये राजालार भी राजा आर प्रभूलार भी प्रभु हये।”

“आप वाहाँक, जाहाँये ताम्हालाक ठेस लागवारसे बच्चार आर वाहाँर महिमार बगलत ताम्हालाक बहुत आनन्द साथ निष्कलङ्क करवा पारतोक्न आथाँत हामार अद्वितीय परमेश्वर मुक्तिदाता डक, हामार प्रभू खीष्ट यीशुसे महिमा, पराक्रम आर पाबर सानातनसे आल्हातक आर सादासर्बदातक रहोक (यहुदा २४, २५)।”



COPYRIGHT

ISBN 1-919852-13-1

**A SPECIAL WORD FROM ANGP**

**UN MONDE SPÉCIAL DE L'ANGP**

**UMA PALAVRA SPECIAL DA ANGP**

This booklet "The Heart of Man" is available in over 538 languages and dialects spoken throughout the world (Africa, Asia, The Far East, South America, Europe, etc.) Our Heart Book is now also available on cell phones, tablets, etc from [www.angp-hb.co.za](http://www.angp-hb.co.za).

Le livre du "Coeur de l'homme" peut être obtenu en plus de 538 langues et dialectes parlés dans le monde entier, à savoir: Afrique, Amérique, Asie, Extrême Orient, Europe. Notre Livre du Coeur est maintenant aussi disponible sur votre Téléphone cellulaire, tablettes, etc. de [www.angp-hb.co.za](http://www.angp-hb.co.za).

Este livro "O Coração do Homem" é obtido em mais de 538 línguas e dialectos falados em todo o mundo, a saber: (África, Ásia, América do Sul, Extremo Oriente, Europa, etc). O nosso Livro O Coração do Homem também está agora disponível em telefone celular, tablettes, etc. de [www.angp-hb.co.za](http://www.angp-hb.co.za)



The 10 heart pictures contained in this booklet are also available in the form of large coloured picture charts (86 x 61cm) bound together in a set of 10 pictures. These "Heart Charts" can be obtained with European or African features and are particularly suitable to be used in conjunction with the Heart Book for class- teaching, open air evangelization etc. Kindly contact us to ascertain the latest subsidized price of this chart.

Les 10 images du coeur qui figurent dans ce livre peuvent être obtenues en tableaux de couleur, format 86 x 61 cm, avec des physionomies européennes ou africaines. Ils peuvent être utilisés en même temps que le livre du coeur pour des classes bibliques, à l'école du dimanche ou lors de réunions de plein air. Soyez aimable de nous contacter pour assurer les derniers prix en cours du tableau.

As 10 imagens do coração, contidas neste livro podem ser obtidas num conjunto de 10 imagens em colorido no tamanho de (86 x 61 cm). Estes "Cartazes do Coração" podem ser obtidos com características Europeias e Africanas e podem ser usados em conjunção com o mesmo livro em classes de ensino bíblico, evangelização ou ao ar livre. Agradecemos que nos contacte-se para confirmação do último preço dos cartazes.





Kindly write to us if you are able to assist us with further translations of our free Gospel literature, informing us of the language into which you could translate this Gospel literature. Your assistance would be appreciated.

If you have found salvation in Christ, or have been otherwise blessed through our Gospel literature, please let us know. We would like to thank God with you, and remember you further in our prayers.

Nous vous invitons a nous contacter pour faire des arrangements concernant de nouvelles traductions de notre litterature, nous informant de la langue dans laquelle vous pouvez traduire cette litterature evangelique. Votre aide sera beaucoup appreciee.

Si vous avez trouve le salut en Christ ou si vous avez ete beni par notre litterature, nous vous prions de nous le faire savoir. Nous aimerions remercier Dieu avec vous et prier pour vous.

Nos vos convidamos a nos contactar, afim de fazer qualquer arranjo concernente a novas traducoes de nossa literatura em outras lnguas. Vossa assistencia sera muito apreciavel.

Se tem encontrado a salvacao em Cristo, ou se tem sido abençoado por intermedio da nossa literatura evangelica, faca o favor de nos informar. Pois nos gostaríamos de agradecer a Deus juntamente convosco, e lembra-lo sempre em nossas oracoes.



**For free Gospel literature, books and tracts in over 538 languages, write to:**

**Pour obtenir gratuitement de la litterature evangelique, des livres et des traites en plus de 538 langues, ecrivez a:**

**Para obter gratuitamente a literatura evangelica, livros e folhetos em mais de 538 lnguas diferentes escreva para:**

**E-MAIL: [info@angp.co.za](mailto:info@angp.co.za)**

ALL NATIONS GOSPEL PUBLISHERS  
PO BOX 2191  
PRETORIA  
0001  
R.S.A.

**A Gospel Literature Mission financed by donations**  
**Une Mission de litterature evangelique financee de dons**  
**Missao de literatura Evangelica financiada por donativos**

(Reg. No. 1961/001798/08)